

永甯祇謁筆記

同治壬申季春



ル 5
1517
2



永甯祗謁
筆記

同治壬申嚴雨



門凡呂5
孫 25/19
卷 3



永甯祇謁 筆記序	臣恂于 同治庚午 歲祇謁	東陵既紀 其山川 澗里矣 越二	丰壬申 復有	西陵之 沒記咸 豐丁巳 嘗一謁	西陵事 具觀察	畿南筆 記中其 時由省 垣西北	汧與今 之由
-------------	--------------------	--------------------------	-----------	--------------------------	------------	--------------------------	-----------

永甯祇謁筆記序

龍城而西南者不同今晉自
京師迤西梢南夾三百里而近
其遠近略與察
東陵等其為
天子有事
山陵警蹕扈從暨守護祭告諸
臣工注來孔衙則一臣恂前謁
東陵子邃榆潮白河如庚灑藍

巨梁諸水既詳述之今之桑乾
聖水俠垣涑濡夾不容畧也其
由濡而兼及武電從其類也并
及西沽白溝
陵精澗此重漕事也至于營建
之規高祀之儀文武官守之制
馬步卒伍之數
國典煌煌兩記均不贅云

序

同治十有一年季春之月中浣
戶部尚書臣董恂謹記并序



日里由及期其
泉木和齋高
水野來及共
潤齋大不重
以今以榮

永甯形勝祇謁衙里圖



永甯形勝祇謁衙里圖








自彰義門而西 二十五里大井
 十五里長新店 二十五里良鄉
 二十五里實店 十五里燕谷店
 三十里涿州城 十五里陶家屯
 三十里涑水縣 二十里北橋頭
 二十里易州城 二十里半壁店


男運謹繪 圖

永甯左右諸水匯歸圖



天齊氏易圖記

圖



○同治十一年二月二十六日工部以

西陵承辦事務衙門榮毓等奏報經

派查勘應修各工繕單請

派大臣承修欽奉

欽派 臣董恂暨兵部左侍郎 臣崇厚 臣恂隨帶 臣部郎中鍾濂錫

續陸調陽主事楊鴻典 崇少司馬字地山鍾字稚泉錫 字厚安陸字健卿楊字鵠山

○二十九日請

訓。先由欽天監擇吉於三月初四日申刻開工工部於 派摺內聲明本日請 訓摺內復聲明

永甯祇謁筆記

○三十日。細雨溟濛。卯初三刻。冒雨起程。辰正出彰義門。今廣甯門也。析津日記。彰義金之正西門。新城築於明嘉靖中。其西門曰廣甯。而都人至今以彰義呼之。日下舊聞考。今廣甯門俗稱彰義。特沿金源以來舊名耳。其實金之彰義當在今廣甯門外之西南。距右安門地稍遠。於方位始合。何以明其然也。金之內城正南門曰宣陽門。外橋曰龍津橋。外門曰豐宜。周輝北轅錄。范成大石湖集紀述甚明。為今右安門外地。其豐宜之西南當為景風門。再西當為麗澤門。凡經兩門然後及正西彰義門。今雖不能據右安門外之豐宜實指金之彰義為何處。而右安與廣甯相去甚近。其非彰義之舊鑿然無疑也。又按彰義門亦稱彰儀。過普濟堂。普濟堂冊。廣甯門外普濟堂一所。以處夫貧而無所歸者。日下舊聞考。普濟堂在廣甯門外迤西二里。其初居

民王廷獻。釀金為義舉。康熙四十四年。順天府尹錢晉錫上其事。

聖祖仁皇帝御書膏澤回春額。以賜。又

御製碑記。建亭勒石。禮部侍郎孫岳頌奉

敕書。

小井村。日下舊聞考。恭建

世宗御製碑亭。在石道北。南嚮。

碑載雍正間新修石道始末。自廣甯門至小井村。長一千五百丈。皆填窪

為高。砌以巨石。廣二丈。用帑八萬。

大井村村以義井名有義井庵日下舊聞考大井村西恭建

高宗御製碑亭在石道北南嚮

碑記重修石道始於乾隆丁丑十月迄於庚辰七月因舊址修築一千九

百八十四丈有奇新道增築四百七十七丈有奇用帑十三萬八千一百有奇恂謹按乾隆丁丑二十二年庚辰二十五年長安客話義井菴在天甯寺西十里復十里至盧溝橋義

井或曰蜜井相傳文皇駐蹕甘其泉故名菴為中涓所修初

創寶閣高入雲漢中範丈六金身稱之日下舊聞考義井庵

明萬曆中額曰萬佛延壽寺殿前有崇禎十三年碑河南右

布政使周鏘撰碑畧言法界大師飛錫義井茅屋施茶有轉大法輪之願未竟厥施而圓寂先是一僧募

造大士金身高三丈六尺功垂成而僧竟不知所往後李中貴之父繼募成造內翰孫公成奏聞神祖發帑命義井供奉

賜額名延壽寺繼法界而受成者則無窮大師拮据之功不小嗣無窮大師而克勝其任者則瓊峯大師以守而兼創冬湯夏茶四時不絕井在廟門外今其地名大井村又按大井村石道

木牌坊乾隆四十年改建石工恭鐫

御書額東面日經環同軌西面日蕩平歸極

是日出城迤西石道彌望皆煤駝石泐雨滑一駝踣羣駝立而待綿瓦可十餘里乃改道北出而西而南小井大井兩村遂越而過

抵拱極城明拱北城也破夢閒談議者謂盧溝畿輔咽喉宜設兵防守又須築城以衛兵於是當橋之北規里許為斗城

名拱北南門曰永昌北曰順治。於崇禎丁丑特設參將控

制之日下舊聞考拱北城。本朝更名拱極城。復改永昌門

曰威嚴。設西路捕盜同知及巡司游擊各員弁駐守。五城寺

院冊拱極城內路東有觀音菴。明嘉靖四十一年修。有碑一。無撰人姓名。路西有

興隆寺。康熙六年修。有開建十方院碑。吏科給事中趙之符撰。

已正過盧溝橋。橋下盧溝河。今永定河也。畿輔安瀾志。盧溝

橋一名廣利橋。在宛平縣南三十里。跨盧溝河上。金明昌年

間建。金史章宗紀大定二十九年六月作盧溝石橋。明昌三年三月成。又河渠志二十九年六月章宗以涉者病河

流湍急。詔命造船。既而更命建石橋。明昌三年三月成。敕命名曰廣利。有司謂車馬之所經行。使客商旅之要路。請官建

東西廊。令居之。從之。元明屢加修築。元史順帝紀至正十四年四月造過街塔於盧溝橋。又百官志延祐

四年。盧溝橋澤畔店置巡檢司。明實錄英宗正統九年。孝宗宏治三年。俱修盧溝橋。世宗嘉靖四十一年。尙書雷禮言。橋

東岸。登石不堅。當加繕治。報可。本朝康熙元年修。七年水溢。圯東北十二

丈重修。

御製碑文。建亭於橋北。雍正十年重修橋面。乾隆十七年重修券面。

獅柱石欄橋廂。五十年重修橋面。東西兩陲。加長石道。橋東西長

六十六丈。南北寬二丈四尺。東橋坡長十八丈。西橋坡長三十二丈。橋南河面寬七十三丈八尺。橋北河面寬七十四丈

五尺。橋空十有一第。六空。適當河之中流。析津志。盧溝波濤洶湧。狂瀾疊出。石齒

相角。上架石梁。有獅子欄楯。蔣一葵長安客話。盧溝橋。正統

間重修長二百餘步左右石闌刻獅子數百枚情態各異又

渾河記盧溝橋左右欄楯刻為獅凡一百狀數之輒隱其一

陸嘉淑辛齋詩話盧溝河畔元有符氏雅集亭蒲道源詩盧

溝石橋天下雄正當京師往來衝符家介側敞亭構坐對奇

趣供醕醲又有野亭見貢仲章雲林詩集今一望礪礪並居

民亦寥寥也破夢閒譚盧溝曉月為畿輔八景之一謹案孫

光輔北夢瑣言李匡少年好勇以飲博為事一日與諸游俠釣於桑

乾河赤欄側以酒醉地曰吾若有幽州節度分則獲大魚果

釣魚長三尺張舜民使遼錄過盧溝河伴使云恐乘輜危以

車渡極安而速濟又許亢宗奉使行程錄盧溝橋河水蕩激

每候水淺深置小橋以渡近年於兩岸造浮橋彷彿黎陽三

山制度是橋之由來舊矣前此皆為小橋後乃規模漸宏壯

也又三朝北盟會編宣和五年二月乙酉金人遣趙良嗣過

盧溝即焚橋梁次舍茅齋自敘金人有敗盟之意自南使過

耳又桑乾河上游勢狹別無遷移故可以建橋至石景山以

下河流甚盛為往來津要顧祖禹曰桑乾河京師南面之巨

防也金人於是建橋以濟行旅為利甚溥自此以下則散漫

無歸不可約束朝盈夕涸往安瀾志永定河舊名盧溝河即

桑乾下流也亦曰渾河一作南桑乾河非也水流無定衝決

為患康熙三十七年

賜名永定河水經注濕水又東北流左會桑乾水即潦涓水也周輝

北轅錄盧溝河亦謂黑水河河色最濁范成大石湖集

盧溝河去燕山三十五里宋敏求謂之盧菰河即桑乾河也

孫國救燕都游覽志桑乾下流為渾河渾河下流為盧溝河

水經注卷之四

五

注薊城南桑乾即今之盧溝橋下之水案隋書禮志大業七年征遼東煬帝遣諸將於薊城南桑乾河築社稷二壇設方壇行宜社禮通鑑載去薊城二字而以南字屬下讀方輿紀要遂云桑乾水亦謂之南桑乾水實非有二桑乾水也一統志永定河即桑乾河古名濕水又名清泉河亦名盧溝河俗日渾河元時自宛平縣分流為二後舊渠堙塞其南出者永樂後改西南流經固安新城雄縣至霸州嘉靖初徙於固安縣北十餘里東流入永清縣界經霸州東北境達信安入海萬歷中又徙固安縣西十餘里尋徙城南泛溢固安永清之境後又徙固安之北本朝順治十一年復改流縣西與清水合流西入新城境至霸州城南溢為巨浸康熙三十七年撫臣于成龍等疏濬起良鄉之張各莊至東安之郎城河重開一道遷流於東由固安永清之北引流直出柳岔口三角淀達於西沽築長隄捍之賜名永定河謹案桑乾河渾河盧溝河因地異名原非可混諸書不拘一稱遂若此水本無定名以致源流分合往往滋惑恂按分晰河名詳下桑乾河

條 河自石景山南流逕順天府宛平縣漢為薊西三十里

出盧溝橋其東為拱極城

劉侗帝京景物畧金閣寺遠望蒼黃一道南綴者渾河也明史河渠

志盧溝河穿西山入宛平縣界周夢暘水部備考盧溝河在京城西四十里石徑山之東地勢平而土脈疏衝激震蕩遷徙弗常陳全之篷窗日錄京師朱雀水為盧溝河一統志石徑山在宛平縣西三十七里上為金閣寺亦名石景山恂按石景山即石徑山又有石經隰經之名見許用賓重建玉皇殿碑又東南流逕長安城距固安縣二十里每歲總督防汛駐此又東南流逕求賢村又東南流逕良鄉縣東

廣陽河鹽溝河之水入焉

王曾上契丹事涿州北六十里至良鄉縣渡盧溝河顧祖禹方輿紀

要盧溝河在良鄉縣東三十里自盧溝橋下分流經此又廣陽水在縣東源出房山縣北三十里之公村經廣陽故城下南流與鹽溝水合注於桑乾曹學佺名勝志鹽溝河發源自宛平縣龍門關南流經本縣陶村入桑乾河長安客話鹽溝即閭溝發源自宛平縣龍門口東南流與廣陽水合又東南流逕涿州東涿州志渾河

五里桑乾河下流謹案涿州本非渾河所經自渾河南徙奪琉璃胡良挾活諸河而東南趨於玉帶河據一統志云永樂後改今考明史河渠志洪武十六年濬桑乾河自固安至高家莊則不始永樂朝矣又元史本紀仁宗延祐元年六月涿州范陽房山二縣渾河溢壞民田四百九十餘頃則渾河之決涿州並不自明始矣大抵元時既廢金口河渾河之流經高麗莊下入通州白河者漸已淤塞迨明初南出之流益盛故洪武中遂濬治之高家莊即新城之高橋窪流為高村河亦即白溝河之支流也琉璃胡良挾活諸河之水既為渾河所奪益徙而西南出自康熙三十七年開永定新河以後渾河之西南衝突者皆東北注清濁乃分路矣

又東南流逕固安縣北固安縣志永定河出盧溝橋下流入縣界順治十一年始從公村溢流與清河會康熙三十七年自涿州之老君堂另開河道迤邐而東由固安縣北之十里鋪至永清引流入霸州柳岔口歸又東南流逕永定達海霸州志柳岔口去口頭村七十里

清縣東北復改由東南之冰窖村出水寰宇記永清縣桑乾水在北十里東南流

東安縣志康熙三十七年大築隄堰疏濬並施自盧溝以下由固安之楊村坨頭經永清之郭家務抵霸州之牛眼至大城之辛張歸淀謹案自康熙三十七年開河之始由狼城淀入東淀三十八年以狼城淀河漸次淤平上游壅塞明年於縣北之郭家務別開新河長六十里又明年河成以舊河南岸為北隄更築南隄引流於舊下口之南霸州牛眼村北出柳岔口歸淀此為第一次改移之始畿輔通志一統志均未之詳東安縣志又合二事為一皆非也雍正四年引渾河別由一道入海於郭家務開渠長七十里東注自柳岔口以下導之北流又自武家莊開引河三十餘里達於王慶坨河東北入長洵河歸三角淀而注之三河頭與清河會此為第二次改河東北出之道由是以舊河為故道冰窖村在縣東南三十里南岸王虎莊之東乾隆十六年河水改流於此出水循南坦坡堰導入葉淀則第三次改移也又東流逕霸州東北去州治六十里又東流逕文安縣東北去縣治八十五里謹案霸州文安之界舊為渾河所衝決自康熙三十七年河由柳岔口歸玉帶河會大清河雍正四年改挑新河河身漸遠今復改流

東北注其所經由僅在境上不復近城矣惟中亭玉帶二河為金門闌下引河之水由此會歸蓋其支流非正道也又

東流逕東安縣南境又改由西南之北大隄出水曰下新口

東安縣志縣治舊在常道城東耿就橋行市南經渾河衝決洪武三年移治於常道鄉張李店即今治也永定河間或西折則逆流至淘河復折而東經葛漁城穆家口仍歸沙家淀下口東邑境內自狼城至東沽港永定河身長二十里下口渾流所佔則淘河葛漁城于家隄三村宛在水中田廬多被其害一二年來亦日漸淤墊矣謹案乾隆十九年伏秋汛盛漲東老隄一帶水勢奮激全河濁泥悉輸送於下口之外縱竭力挑濬而得勝口以下水道間段淤阻難期暢達擬於安瀾城下挑築引河北埵附隄居民以惠家莊等十餘村四面環隄瀝水無歸引河北趨勢必倒漾兼地本斥鹵咸願讓地行水遂移北大隄為水口而廢永清縣又東流逕通州武清之冰窖舊口此為第四次改移下口也

漢日西南境又東流龍河之水入焉今入鳳河又東流逕沙淀

又東流南截鳳河之尾桑欽水經濕水又東至漁陽雍奴縣

自南苑中流出至三堡入縣境歷堠上村漸深廣迤城之北而東經韓村洞林三間房南出泗村店商村南宮柳巷東州寺兒上艾甫莊龐家莊至東蕭家莊入天津界歸淀龍河在縣西南三十里由東安至穆家口入縣境原於六道口民隄涵洞入永定河今隄南已淤涵洞亦廢竟由隄北方坑小河引入鳳河矣沙家淀在縣南五十里謹案永定河自東沽港起至石各莊即入北埵小河歷西州抵東州為鳳河之下尾匯入於龐家莊至蕭家莊出境入天津界河身屈曲約長二十餘里鳳河舊由堠上村至二光歸淀因故道淤塞雍正四年興修水利一路挑挖過雙口抵青沽港入淀近年以來不特渾河由沙家淀至東蕭家莊南歸鳳河而東武西北一帶瀝水亦自北大隄減河至龐各莊東歸鳳河誠東武二縣最要河道必須時為疏浚寬深以資宣洩一統志元史河渠志渾水本盧溝水從大興縣流至東安縣武清縣入灤州界此乃元時渾河故道明時渾河南注奪琉璃河經流下達霸州其東流一道不復相通土人遂以琉璃河為渾河而以元

時渾河為鳳河矣或以上接大興縣東南三里河下至張家灣者為渾河舊渠觀此則今日所行猶是故道五百年來不遠而復也恂按北大隄減河即北埵小河又東流逕靜海縣西北境

天津縣西北自丁家莊接武清縣界東南行通永定河由葉淀一帶分溝競納至韓家樹西歸於淀池之大清河長二十四里河面寬二丈深二三尺不等方輿紀要靜海縣南百里有韓樹河泊司今廢一統志楊柳青渡在靜海縣北四十五里去天津四十餘里自此渡上韓家樹抵京師較又東流逕天津縣漢曰天津差近即今鳳河入天津之處

城北會於西沽俗謂之西河水經沽水篇又東南至雍奴縣之合口也方輿紀要三角淀即古雍奴水也水經注雍奴者藪澤之名四面有水曰雍不流曰奴其源曰范甕口王慶坨河掘河越深河劉道口河魚兒里河皆聚於此東會於直沽港入於海一名筍溝水一統志西沽在天津縣北自武清縣匯三角淀與白河會注於直沽形如丁字故又名丁字沽其上流今總名淀河天津縣志丁字沽即西沽也畿輔通志淀

河在縣北五里永定子牙清河之會流也自河頭至丁字沽入北運河長四十里淀水浩淼至此始有涯岸故名河頭謹案沽河即西沽浮橋下之河也西自楊家河由三河頭至丁字沽會北運河從前永定子牙清河三水會流今子牙自為一河由天津縣北之紅橋下會北運河而淀河則總會永定河仍歸於西沽會北運河又案水經注沽河又東南至雍奴縣西入筍溝又東南至泉州縣與清河合東入於海清河者派河尾也鮑邱水南過潞縣西又南至雍奴縣北屈東入於海考鮑邱水今潮河桑乾白河與之合流入清河清河今大清河泉州縣屬漁陽郡故城在武清縣東南即今天津縣地宋為清州窩口若金明昌四年以其地置靖海縣元至元二年併入會川縣立靖海鎮尋復舊清河直其西北境乃道元云今無水似不可解而鮑邱水篇注洶水又北逕雍奴縣東自虜池北入鮑邱河謂之泉州口陳壽魏志曹太祖從洶口鑿渠逕雍奴泉州以通河海者也今無水則又指泉州渠而言當是沽水篇注以泉州縣為泉州渠而誤注也今桑乾之水折入武清縣之西南又南接靜海之西北下入天津合南北運河入直沽達海者即道元所云清淇漳洹滹易涿濡沽

滹沱同歸於海故經曰派河尾也歷數十水不及濕與鮑邱者前已言之從省文耳求之河道大概古今亦無弗合也

又東北流會南北二運河為三汊河又東入於海河同入於

海。一統志直沽在天津府城北南則衛河合南路之水北則

北三汊口合流東注舊名小直沽其東南十里曰大直沽地

勢平衍每遇霖潦羣流漲溢茫無涯涘故有大直沽之名又

東南為大沽口眾水由此入海即通典所謂三會海口也畿

輔通志三岔河本名三义口亦名三义沽海河南北運河之

會流也自天津東北三汊口迨大直沽口長一百二十里溪

廣崖深奔流湍駛潮汐迎之則逆行而上禹貢所謂逆河是

也謹案永定河自武清縣東歸入淀河流逕靜海縣西北境

穿葉淀以達於天津白河自北來衛河自南至桑乾自西入

乃得西河之一名杜佑所謂三會海口指此三河而言蓋居

然鼎足之勢矣自入大清河以下土地寬平不復有淤塞之

虞所以治永定河全在爭下口自出彰義門皆西行漸偏南

之出水不復計海河之散漫也

過盧溝橋後折而南漸偏西

已正三刻抵長新店尖店北券額曰長新鎮街道甚長舊曰

長店明御史李日宣議於長店等處築堡宿兵即此明熹宗實錄天

啟元年十二月御史李日宣議於都門抵良鄉界五十里如

長店大井柳巷五里店太平塢等處每五里築墩堡宿兵十

名日下舊聞考長店當即今長新店在自彰義門至此計行

盧溝橋西五里恂按當是橋南稍西

四十里舊自皇華驛計程起至彰義門五里又十五里

小井村十里大井村十里盧溝橋五里長新店

○尖後午正二刻發長新店出南券過石橋永濟橋也舊為

啞叭河所經今涸張慶奎查勘宛良房水道會稟畧遵即先

據紳耆面稱自太子峪發源者為牯牛河南流至董公庵後

順御道入房山境半里許即向東折歸大道經良鄉長

陽橋入琉璃河其自劉家峪發源者名啞叭河本由永濟橋
向村東流入小清河迨永濟橋河身年久淤高啞叭河水流
阻隔遂致折向西趨漫溢大道嘉慶道光年間雖經疊次修
濬即就水勢傍道疏空與牝牛河併流而由長新店至董公
庵一帶多係沙地所空之河未能經久現在幾無河形今蒙
議修懇將啞叭河仍循故道由永濟橋向村東歸入小清河
庶不致隨空隨淤等語職等隨即會同勘得長新店村東有
小清河一道迤北自縣境樊家莊子後泉水發源亦名地泉
河往南經良鄉縣境歸琉璃河該處河寬水深甚屬通暢
其啞叭河自永濟橋西東至小清河相距僅止一里五分工
段甚近自應體順輿情將啞叭河仍循故道向東挑挖歸小
清河此水既歸故道則大道修竣不致復淹較原議挑挖近
道之河尤便又查長新店至董公庵迤南往來通衢年久未
修雨水沖淋車馬踐路日益窪下復因啞叭牝牛二河淤塞
伏秋瀝水匯注一片汪洋亟應修墊以便行旅又董公庵迤
西至房山縣交界係赴黃新莊 御道地勢尤窪該處牝
牛河現向西南傍道順流半里然後向東折入良鄉境內河
身逼窄不能暢流每致旁溢道上應就現在形勢自董公庵

後向東挑挖引水南行使向西南之水斷流免致淹及
御道並將道段疊高破券堅實其董公庵左右及永濟橋東
至小清河之處各應添建橋座並於永濟橋下坡東西幫築
碎塊石壩使水不致侵灌正道俱係必不可緩之工計共需
銀八千九百八十三兩六錢六分六釐卑職應奎復至牝牛
河下游會同卑職贊清驥雲逐段履勘房山縣境自董公庵
迤南接界起至良鄉籬笆房迤北交界止良鄉縣境自籬笆
房迤北接界起至長陽鎮大石橋止亦俱淤淺必須一律疏
濬俾得暢行無滯摶節確估挑挖河身房山境需銀四百三
十八兩七錢五分良鄉境需銀七百二兩統計宛良房三縣
共需銀一萬一百二十四兩四錢一分六釐此項工費遵奉
前劄查照永定河勸捐章程辦理所有奉委會同勘估緣由
開具估單繪圖貼說稟呈查覈云云 恂按此咸豐七年譚端
恪總制畿輔恂任清河道奉檄司水利局時事也張以候令
奉委會稟者宛平毛令慶麟良鄉陳令贊清房山馮令驥雲
據圖不獨啞叭河之東流經永濟橋者堙涸即其南流入牝
牛河者亦斷并牝牛河之下游經長楊村者俱絕水無所歸
大道之沮洳宜矣小清河者大道東樊家莊子後泉水所匯

也。泉凡五圍三尺餘者一。六尺九尺餘者各二。匯流而南。漸南。漸闊。河之西。由北而南。歷良鄉之水碾屯梨村宮莊房山胡家鋪良鄉籬笆房河之東。歷宛平之獨義村稻田村高嶺村均流莊保合莊良鄉趙家莊宛平公議莊良鄉老君堂稻田彌望水利如此。可寶也。疏啞叭河東流由永濟橋入此。牝牛河亦疏通南流。經長陽橋董公庵一帶之沮洳。遂消。次年端恪去官。恂亦入尹。京兆今閩十有六。安瀾志言永濟橋在長新店之南。趙新店之北。跨雅河上。據此似啞叭河即雅河矣。然啞叭河之會牝牛河也。自左來地在長陽東北。見下董雅河之入廣陽河也。自右來地在長陽西南。見下石啞叭河固別自一水。或以啞雅音同亦被雅河之稱。則與經石橋下之水同名而異流。

過趙新店

過董公庵。有通濟橋。安瀾志。通濟橋即董公庵道南之石橋。為牝牛雅河所會處。此安瀾志涑水篇橋渡冊文有董公庵泉。一統志云。

在宛平縣西南五十里。泉水湧出。入良鄉。為義河之上源。蓋

是入義河之水也。此安瀾志涑水篇原委冊文義河即廣陽河恂按此雅河亦謂

啞叭河也。據此啞叭河之會牝牛河不自嘉慶道光間始。前

紳耆所稱嘉慶道光間就水勢傍道疏挖與牝牛河併流。蓋

亦舊有其跡而修復之。又按

御道由董公庵之南而西入房山縣境。又西復入良鄉縣境。道黃

新莊

過長楊村。明碑文作長陽店。有長楊橋。橋下廣陽河水也。恂按良鄉輿圖黃管

屯河西北自房山境來合順道河經此橋下。安瀾志長楊橋

橋迤南有廣陽故城址。廣陽河之名以此。在良鄉縣東北十里。跨長楊店廣陽河上為南北要道。廣陽

水源出房山縣北公村。名勝志公村廣陽水所出。逕廣陽故城與鹽溝水合入桑乾河。有胡良河

自北來。名公村河。房山縣志公村河發源自桑乾河。又名義河。良鄉縣志

義河在縣北一十五里。昌黎鄉公村里。謹案有董公庵。泉入義河。恂按詳上董公庵條。南流逕良鄉縣

東北境。逕廣陽城。括地志廣陽故城在良鄉縣東北十七里。為廣陽河。水經注聖

陽水注之。水出小廣陽。西山東逕廣陽縣故城北。又東福祿水注焉。水出西山。東南逕廣陽縣故城北。東入廣陽水。又

東南流與鹽溝水會為牝牛河。畿輔通志牝牛河即為廣陽鹽溝二水之會。流至良鄉縣

東南合流為三汊口。謹案鹽溝亦作閻溝。鹽溝發源宛平縣西南龍門口村。又東流入良鄉縣之岳各莊。又東流逕韓姑

村。又東流出石橋下。又東南流出挾河橋下。入涿州。一統志畿輔通志皆以為即古福祿水也。考李北海有兩雲麾將軍

碑。一為李思訓碑在陝西。一為李秀碑在良鄉。春明夢餘錄秀卒於開元四年。葬廣陽縣福祿鄉。此亦福祿水之一證也。

下入於涿州胡良河而合於琉璃河。舊自涿州南流入於霸州中亭河。畿輔通志廣陽水又西南流由中亭河入會同河。今於涿州東北境築壩

以禦水。下流遂枯。河道雖存。水流不復矣。一統志廣陽水南流至任村西南入

大清河。一遇水漲。奔騰衝突。故土人謂之牝牛河。良涿固霸之間屢被其害。雍正四年。怡賢親王奏於任村之南開濬新

河。東南經涿州界。固安縣西北。循盧溝故道。南經霸州之南孟等村。抵栲栳圈。入中亭河。長二百里。自是潦水有所歸。

此河今亦名雅河。日下舊聞考房山縣雅河自河西村逕南公村入良鄉縣界。以與啞叭

河下流合也。日下舊聞考啞叭河自宛平檀柘寺入房山境石甫村至怪它村歸良鄉界。源出縣

房山北之河西村東南流逕南公村又東流逕莊窠村又東流

逕良鄉縣之野谷莊又東南流順水河自北來匯注於石橋

下。日下舊聞考順水河自宛平太倉嶺馬蹄泉入房山境北歸良鄉界。下流入於胡良河諸書

皆以為入桑乾或云入盧溝蓋昔為渾河所亂惟良鄉縣志

以為入胡良河猶是舊時故道而一統志辨之尤為明晰今

牝牛河於金門閘即會胡良河下入巨馬分涿之一支於合

處築壩而下流遂斷恂按安瀾志於涑水篇橋渡冊言董公

庵石橋為牝牛雅河所會處是牝牛河已據廣陽河之上游

此與張稟合。至原委冊於廣陽河亦名義河下僅稱董公庵泉援

一統志證其入義河而不見牝牛河之名良鄉輿圖於經長

楊橋之水上游列順道河黃管屯河合流亦無牝牛河之跡

一統志言宛平境籬笆房河房山境黃管屯河雅河皆歸廣

陽河今廣陽河自良鄉至石羊村三岔口歸牝牛河。此與輿圖合。

牝牛河字於廣陽河之尾始見其上游概不之及或以上游

流絕畧之抑互攝通稱即互文見義未可知也一統志又言

牝牛有正支二河正河源出自龍門口村歷良鄉之鮑家莊

至涿州境入拒馬河。支河自良鄉之義合莊南至涿州小呂村歸拒馬河。其言正河源出龍門口村似指鹽溝河。又畧去廣陽河一源。至敘支河則詳紀其下梢於上游無與也。

過石橋橋下雅河也。日下舊聞考房山縣河道有由境內發源者曰雅河。自河西村逕南公村入良鄉縣界。安瀾志雅河源出房山縣北之河西村。東南流逕南公村。又東流逕良鄉縣之野谷莊。又東南流順水河自北來匯注於石橋下。恂按良鄉縣輿圖雅河自房山縣西北來至怪駝新莊入境過此橋下東南流入廣陽河。怪駝新莊西南即野各莊。惟安瀾志作谷此作各。

未正一刻過塔岡。即料石岡。料亦作燎。抵良鄉縣城。良鄉漢廣陽縣屬

廣陽國。後漢因之。晉屬范陽國。後魏屬燕郡。北齊省入薊縣。唐為良鄉縣地。五代唐長興三年始移良鄉縣來治。屬幽州。遼屬析津府。宋宣和中屬燕山府。金屬大興府。元屬大都路。明屬順天府。本朝因之。城東北岡上塔名多佛。隋建城北有黃新莊。

行宮。良鄉縣冊在縣北五里。日下舊聞考建自乾隆十三年為

皇上謁

陵駐蹕之地。恂按由此而西道房山縣境之半壁店。是日過東關橋繞城而南復過南

關石橋

過石橋。舊為茨尾河所經。今涸。洵按良鄉輿圖。茨尾河西北

流至石羊村入廣陽河。為牝牛河。朱軾京西水利情形疏。茨尾河廣陽河會

於石羊村為牝牛河。即此。今橋度平地。一統志畿輔通志。義

倉圖均不載此水。義倉圖良鄉房山兩縣境均無茨尾河。以

倉圖有河形。曰大石河。乾河。良鄉輿圖河道由茨尾河上溯房山縣義

過蕭家莊。大十三里。小十三里。兩十三里之間。迤西有後十三里。

過宏恩寺。寺明萬曆間建。乾隆七年燬於火。奉

旨修復。正殿

御書額曰秀挹龍泉

申正。抵寶店鎮。宿燕樂毅宋寶禹鈞故里也。自長新店至此。

計行五十里。五里趙新店。五里董公庵。五里長楊橋。十里良

三里十里寶店。鄉縣城五里蕭家莊。五里大十三里五里小十

○三月乙酉朔。向曉雨甚急。比明暫息。沈陰不開。卯初發寶

店鎮。時雨稍止。

過白草窪。房山縣地錯出良鄉境者。

辰初一刻。過燕谷店。北琉璃河橋。燕谷店俗稱琉璃河鎮。安瀾志。琉璃

河橋在良鄉縣南四十里。石築跨琉璃河上。金建。金王暉起。蓋留李河

橋梁事狀略竊見中都迤南係四方官員客旅朝會經行驛程正路近體知良鄉縣南三十里有舊來經由留李河橋官道南至涿州六十里兵革以來橋廢不行目今靠西由繼陽套繞轉至涿州七十五里若經夏秋水泛漲泥濘虛陷致使鋪馬客旅來往生受兼繼陽套地形卑下村坊窳遠接連溝澮屢常失盜竊詳若依舊起蓋留李河橋道官民實為兩便
明永樂十六年修
明成祖實錄永樂十六年七月修琉璃河橋
嘉靖二十五年

重建
良鄉縣志琉璃河橋在邑南四十里燕谷店北明嘉靖間勅建並修築環橋石塘元恩咸濟二坊范守己肅皇外史嘉靖二十五年九月濬琉璃河置橋其上名其橋北曰仙蹟南曰永明明尚書雷禮琉璃河橋隄記畧良鄉縣迤南四十里村名劉李其地窪下為積流所滯有河一道志稱琉璃即古聖水自房山縣龍泉峪諸泉會合於此經霸州東注巨馬河入海時逢霖潦散漫奔潰百餘里動阻滯不能涉嘉靖乙亥勅工部尚書甘為霖督修病去不終乙巳復命侍郎楊麟內官監太監陳準袁亨建石橋普濟然無隄捍禦海暑水發環橋南北盡為巨河往來病是者又閱八年辛酉降帑

八萬諭尚書徐杲相度建議修築二隄專用條石中添小橋一座並設水溝以殺水勢於是委郎中王尚直員外郎曾一經同內官監太監楊用分理凡為隄南北東西共長五百餘丈橋長四丈五尺闊三丈五尺高一丈三尺五寸水溝八道又飭立元恩咸濟坊二座至王戌孟冬報成恂按乙巳嘉靖二十四年辛酉四十年王戌四十年嘉靖無乙亥據沈一貫琉璃河橋碑肅皇帝己亥出水衡金錢累石梁之文乙亥當是己亥之譌則嘉靖十八年也日下舊聞考亦誤作乙亥又肅皇外史一段日下舊琉璃河即古聖水也水經聖水出聞引世宗實錄與此文同琉璃河即古聖水也上谷東過良鄉縣南又東過陽鄉縣北又東過安次縣南酈注聖水又南逕良鄉縣故城西有防水注之水出縣西北大防山南而東南流逕羊頭阜下俗謂之羊頭溪其水又東南流至縣東入聖水又南與樂水合水出縣西北大防山南東南流歷縣西而東南注聖水一統志今琉璃河源發房山縣西北黑龍潭及孔水洞俗名蘆村河東流逕縣東南二十里入良鄉縣界始名琉璃河經縣西南四十里亦名劉李河石湖集琉璃河又里又南入涿州界亦名清河亦名劉李河

北三十里水極清泚大中祥符間路振乘軺錄亦謂琉璃河
 惟嘉祐中宋敏求入蕃錄乃謂之六里河燕都游覽志琉璃
 河卽金史所載之劉李河桑欽水經曰聖水出上谷孫澄曰
 卽琉璃河也方輿紀要大房山下聖水泉卽聖水之上源其
 委流爲琉璃涿水廣陽水挾活胡良諸河皆合焉涿水詳下
 河逕良鄉縣涿水廣陽水挾活胡良諸河皆合焉
 條廣陽水詳上長楊村條挾活河詳下一統志云琉璃河南
 挾河村條胡良河詳下胡良河鎮條

入涿州界亦名清河自琉璃河橋東行可四五里折而東南
 可二三里得挾河口又東南二十里得巨馬河口又東南七
 八里爲茨村正西去涿州三十里東岸有渾河決入之口土
 人云舊時渾河從固安之故城村決而西南至茨村東北合
 琉璃河遂直南衝茨村分爲二後渾河漸徙而東至康熙戊
 辰

二十七年始盡掩塞不復相通而琉璃河遂南入新城縣界其

故道由涿州東逕固安永清東安霸州界今皆爲渾河所奪

又有灌河源出房山縣西北因出灌石旁謂之灌河一名長

望山之陽登之可以望京師出百望十里爲長龍泉河

樂河北二十里爲玉斗潭又北十里爲灌石是也龍泉河一

大石河又名漫水河古防水也方輿紀要龍泉河在良鄉縣

西源出房山縣大安山下西南流與琉璃河合一統志漫水

河在房山縣北亦名龍泉河卽古防水也房山縣志漫水河

發源自龍門峪逕磁家務大口頭流至羊頭岡爲大石河至
 蘆村爲蘆河卽琉璃河上流考新唐書劉仁恭傳李思安來
 攻屯石子河仁恭居大安山石子河卽大石河也河有二源
 一起自西北口外繞金陵流入房山縣境一起自縣西北大
 安山二水合流逕河北村又東流逕河南村有支河二道又
 東南流逕夏村又東南流與沙河會爲琉璃河縣志大安山
 在縣北八十里羊頭岡在縣北六里一統志旣引水經防水

出大防山。而此水乃出大安山。蓋連麓而異名矣。其水流逕磁家務。與琉璃河合。縣志乃以為琉璃河。上流非也。又龍泉河與龍泉山水為兩水。據方輿紀要。龍泉山在良鄉縣西十五里。伏龍岡在縣西十里。則是龍泉河較近於龍泉山也。又云大房山在房山縣西十五里。山下有聖水泉。西南有伏龍定一名龍城峪。湯泉出焉。則似湯泉即龍泉河也。又云大房山在房山縣北八十里。則是龍泉河非即大房山西南之湯泉也。且八十里則去良鄉遠矣。考良鄉西至房山縣界十七里。西北至房山縣界十五里。諸志謂鹽河在良鄉縣南。琉璃河在良鄉縣西。龍泉河西南入琉璃河。龍泉山水東入鹽河。皆欠。七斗泉在房山縣北二十五里。大口頭村西北山腰。相明晰。次排列。泉水高擁尺餘。形如斗。大蜿蜒下入於河。京水河起縣西南牛口峪村之馬跑泉。與西沙河合一。統山縣志。縣南三里。其水出於平地。石罅。清涼甘美。流入北市沙河。歸蘆河。天津府志作樂水。河則似以涼水為樂水之訛。理或然也。又宛平縣有涼水河。乃由沙河。河有四房山縣志。水頭莊發源。流入海子者。非此水也。沙河東沙河在縣東一

里許。即北沙河下流。北沙河在縣北一里許。亦山泉會合。西沙河即馬跑泉下流。南沙河與西沙河共一原委。蓋四沙河繞房山縣城。隨其方隅名之。下流皆會於石橋歸俠河。以入於琉璃者也。其發源處在宛平縣界。即謂之沙峪村中更支分。乃有壩兒涼水之別稱。山泉壩兒河發源宛平縣之茶樓所。瀦漫流平地。難以條晰矣。壩兒河頂東流。逕良鄉縣雲峯寺村。又東流。歸入西沙河之石橋。蓋即胡良河之分支也。房山縣志。發源於茶樓頂。諸山澗溪會於周口店。築砌石隄。作溝洫。浸灌園畦。歷韓其支樓等村。東入盧溝河。同歸琉璃河。諸水入焉。錢枋說臆。琉璃河石橋之右有鐵竿倚焉。自扶闌至水底。約長五丈。土人目為王彥章鐵篙。此不經之談也。然是物不知所從來。案大都宮殿考。廣寒露臺石闌道旁有鐵竿數丈。上置金葫蘆三。引鐵鍊以繫之。今驗竿首有孔。疑即其遺製。蓋物在禁中。莫有銷

之者或因河水泛溢移此以鎮水怪未可定爾

過挾河村地屬房山有房山窩鋪道左清流可鑑毛髮自燕

谷店南石橋來當即挾活河也過石橋有義勝營壁壘甚新

有涿州界碑界入涿州地則仍挾河村也安瀾志挾活河亦

曰挾河一名夾河源出上房山其上曰紅巖上方寺所在

也山上有龍潭泉流下注謂之天橋湖帝京景物畧紅螺嶽在上方山東三十里

循九龍峪度入寨嶺入桃葉口為下嶽過龍潭水有洞曰紅螺為中嶽復上半里其右松棚庵再右觀音洞為上嶽房山

縣志天橋湖在紅螺山上嶽左峯山在縣西南四十里即幽嵐也紅螺洞在紅螺中嶽石梯迤北當年有紅螺放光昔人飲此霹靂驟至

疑為龍窟焉又東流逕半壁店南又東流逕韓姑村名韓

姑河黃百家北游紀大防山河自黑龍關來東南入琉璃河上有半壁山壁立千仞石罅古柏蒙茸即韓村河也韓

姑村俗呼韓繼村房山縣志韓村河在縣南二十五里莫窮其源每逢夏雨泛漲衝壞橋梁採運石料大車經此屢煩修

治北韓其村縣西南十二里南韓其村縣西南三十里謹案查通志挾活河在涿州北二十里胡良河在州北十里輿圖

乃以挾河近涿州而以胡良居韓村挾河之中非也又東流逕房山縣城南謂之挾河

又東流逕良鄉縣挾河橋下挾河橋在涿州北二十五里明建涿州志挾河石橋在州北二

十五里舊志云將軍王鏜修東南流逕涿州界與胡良河合

建近被水衝土人募資重建明史地理志房山縣西有大房山北有大安山西有青龍潭

其下流為挾河一名韓村河至涿州與胡良河合方輿紀要

挾河出房山縣西南中浣谷入涿州界一統志挾河源出房山縣中浣谷東流逕涿州北二十五里又東入琉璃河涿州

志挾河在房山縣南發源中浣谷至涿州入胡良河謹案水經聖水又東與挾河合水出良鄉縣西甘泉原東谷東逕西

鄉縣故城北。又東逕良鄉縣城南。又東北注聖水。世謂之挾活河。而名勝志乃云。涿水源從大同得勝堡入。至老班溝。一之涑水縣。一之涿州。沙水俱活。東西不定。故謂之挾活水。又謂之聖水也。督亢亭州南一帶至新城。皆是其北。乃涿水所入。則是涿水挾活水。聖水混作一水矣。且源從大同之涿水。乃出保安州。涿鹿山之涿水。非涿縣之涿水也。且下舊聞謂。挾河或謂源自大同邊界入。或謂源出良鄉房山。或云即聖水。或云即巨馬河。難以臆定。蓋為湯有光所惑。亂未之考也。此河有二源。一出房山縣西北。上方山諸溪澗。名灌河。東南流至灌橋。一出房山縣西北。高家莊。白玉石塘。東流至半壁山。有半壁店河。至灌橋。與灌河合。曰夾河。下流有石橋。即夾河橋也。又東逕胡良村。合胡良河。下入涿州界。一統志涿州志謂出良鄉縣中浣谷。明史地理志房山縣志謂出房山縣青龍潭。大要不離乎此。即水經注所謂甘泉原。東谷意即中浣谷也。惟名勝志以為出自上谷涿鹿山。房山縣志謂入公村河。皆非也。恂按灌橋在房山縣境。灌河所經。下與挾河會。又按日下舊聞考言挾河在房山縣東南三十里。與涿州良鄉交界。源發縣之青龍潭。東歸公村河。其言源發青龍潭與

明史地理志房山縣志同。至言歸公村河。亦踵房山縣志之誤。又按朱文端疏言。挾河琉璃河會於馬頭村。為馬村河。挾河之會琉璃河。既實指其所會之地。則北游紀一統志所稱入琉璃河者。是也。疏又言白玉塘西域寺甘池諸泉。會為胡良河。則白玉石塘當從恂按。房山縣境建有半壁店。

行宮。

池西南一水自西北高家莊來。正是白玉石塘之水。據義倉圖。此水東南流入涿州境。匯胡良河。非挾河也。一統志以白玉石塘泉為胡良河之上源。安瀾志於胡良河亦云。東流逕涿州北。合白玉塘泉。并詳下胡良河條。房山縣志

半壁村在縣西南四十里。以畿輔義倉圖考之。在縣西南四

十里弱。南連涿州界。涿州志半壁店在州城西北二十五里。

過常店。過仙峯坡。

過胡良河鎮。鎮南有石橋。安瀾志胡良河橋在涿州北十里。

明萬曆二年勅建胡良河亦名湖梁河源出房山縣西北大

安山古垣水也漢書地理志涿郡良鄉垣水東南至陽鄉入桃又武垣應劭曰垣水出良鄉東入桃金史

地理志涿州有胡良河一統志大安山在房山縣西北八十里有龍湫胡良河源出大安山又胡良河在涿州北十里又東合巨馬河入琉璃河即古洹水也謹案水經注聖水自涿縣東與桃水合首受涑水於徐城東南良鄉西分洹水世謂之南涉溝即抗水也又云桃水又東北與洹水會水上分涑水於良鄉縣之桃水世謂之北涉溝故應劭曰垣水出良鄉東逕垣縣故城北則是北涉溝南涉溝皆垣水所分特一西城奇溝東水經注本是分明後人專以胡良河為垣水遂云水經注北涉溝為垣水南涉溝為桃水非矣又水經注箋孫曰洹水當作垣水下同抗水疑作范水抗是桃字之譌不當為范

東流逕甘池村名甘泉河一統志大房山南孤山口東八里有東甘池村即長溝峪也西南北四甘池村亦謂之長溝峪西村

之北水從石壁出凡七竇羅注為池即古甘泉也又東北數里為黑龍潭孤山口在房山縣南五十六里涿易二州分路處又東流逕良鄉縣西方輿紀要胡良河在良鄉縣西又東流逕涿州北合

杖引泉白玉塘泉又東流逕州東南入於琉璃河方輿紀要胡良河在

涿州東二十里出房山縣大安山東麓流入州境又南與挾河合流入良鄉縣界注於琉璃河志云琉璃河即聖水也自房山縣流逕州北大房山之孔水入焉石橋跨其上形勢巨麗亞於盧溝杖引泉在房山縣西南六十里泉水湧出匯而成溪流逕涿州入胡良河畿輔通志白玉石塘泉在房山縣西南五十里塘下突起一泉潔清如玉有灌溉之利一統志白玉石塘泉東南流入涿州為胡良河之上源房山縣志白玉塘在石峒山下其水種稻米色如玉人呼玉塘米明世宗實錄嘉靖十一年五月太僕寺卿何棟言涿州有胡良河自巨馬河分流至涿州東入渾河良鄉有琉璃河發源磁家務潛入地中至良鄉東入渾河皆其故道近以渾河沙淤阻塞二河下流遂至平地淹沒瀰漫至數千餘頃所當亟為疏濬

得旨允行謹案胡良河志俱作涿州北十里紀要作東二十里其實一也又新唐書史思明傳周萬志自胡良渡河則胡良之名其來久矣河起自房山縣西甘池村石將軍廟東流逕長溝村入涿州北境至州東南張村入琉璃河而同注於巨馬河明實錄所載與大清會典皆謂河自通州入渾河蓋昔為所奪也今則仍入於琉璃河

過永濟橋橋跨巨馬河上即涑水也一統志永濟橋在涿州

北郭外日下舊聞考舊名拒馬河橋明萬曆二年建十六年

重修天啟六年復修後河舍橋南徙安瀾志涿州巨馬河橋在州北門外石築跨巨

馬河上明萬曆二年勅建明末水徙橋南涿州志巨馬河石橋至崇禎時水不由橋下行橋頭石為水所齧每秋泛漲舟楫乃渡冬月仍構

草橋涿民苦之本朝乾隆二十五年奉

旨於舊河橋南移建新橋凡九空延築石隄下涵洞二十有二舊橋

頽廢者改葺為隄下為涵洞一十有八共長二百丈有奇

賜名曰永濟並

御製重修涿州石橋記

安瀾志巨馬河新大石橋即舊巨馬河橋也乾隆二十四年因舊橋毀廢總督方觀承奏

請改建於舊橋之南跨巨馬河上橋南北接築長隄下各為涵洞以洩漲水隄上翼以石闕隄南北各建一坊又建亭樹

碑為京南巨觀安瀾志涑水一名巨馬河出直隸易州廣昌縣

正北日并州其浸涑易漢書地理志代郡廣昌涑水東南至容城入河過郡三行五百里并州浸說文涑水起北地廣昌

東入河太平寰宇記蔚州飛狐縣涑水亦名拒馬河今名涑水源也一統志廣昌縣在易州西一百八十里初屬山西大

同府雍正十一年改屬易州其源有二一出城西南半里涑山之鎮海寺

前一出城東一里泰山廟古塔下俱東北流至縣東三里之

泉房村合而東北流三十里逕石門鋪。水經巨馬河出代郡

廣昌縣涑山。酈注即涑水也。有二源俱發涑山東逕廣昌縣故城南。方輿紀要涑水源在廣昌縣南半里東流合拒馬河。水源出七山。晉劉琨守此以拒石勒。因名拒馬河。東流逕紫荆關入易州界。明史地理志山西蔚州廣昌涑水在東源出東厓古塔下。與縣南之拒馬河合。東入直隸涑水縣界。紫荆關在東北飛狐關在北。今為黑石嶺堡。與蔚州接界。一統志旗山在廣昌縣西南三里。有七嶺亦名七山高五里。拒馬水出此。涑水一名拒馬河。畿輔通志拒馬河亦名馬跑河。在廣昌縣南三里。東會涑水。涑水在縣東門外。源出北崖。南會拒馬河。東流六十里入涑水縣界。廣昌縣志涑水在縣東一里。發源古塔下。通巨馬河。經紫荆關流入易州涑水縣。一源發於關內巽方。亦名涑水。從關堡牆下水口流入於巨馬河。巨馬河源在縣南半里北七山下。少東與涑水合流。鎮山寺在縣南二里。七山下東嶽廟在東郭外。地名倉上村。泉房村古名錢坊。縣東三里石門村。縣東八里。謹案涑水為并州。浸其名最古。拒馬河之名未知起於何時。酈道元以為即涑水。且明涑有二源。亦不言

孰為涑水之源。孰為巨馬之源也。下至迺縣始以巨馬之名與之。而繫以袁紹遣將崔巨業攻固安不下。退還公孫瓚。退擊之於巨馬水事。蓋明巨馬之名始見於此。亦未詳言其得名之故。至以拒敵得名。以巨為拒。紀要以為劉琨拒石勒。而廣昌縣志霸州志又以為楊六郎拒遼人。愈遠愈謬。皆不足信。又據紀要則似南源為涑水。東源為巨馬河。據明史及諸志則又以東源為涑水。南源為巨馬河。皆不如從水經注止作涑水。二源為是。又案涑水過郡三。紀要謂代上谷涑郡也。涑水不經上谷。其出上谷者為涑耶。水經當數代涑郡也。海為是。又案七山一統志又謂之旗山。據水經及注皆作涑山。無七山之目。疑涑字近漆。又因漆音譌為七。隸續云地皇候鉦書七作來。韓勅碑書漆作涑。亦一證也。至山西通志又謂宋將楊景豎旗於此。名旗山。尤為無稽。當從水經注作涑山為是。恂按候鉦原文云重五十來斤。韓勅碑原文云涑不解。入易州西北境。逕浮圖峪入邊牆。又東北流七十里逕州西北之紫荆關。則有烏龍潭。牝兒溝。清溪小河。溝蔞城司小

河溝諸水入之北至州東北之章方村。方輿紀要浮圖峪在廣昌縣東四十里鐵

嶺下路出紫荆關紫荆關在易州西八十里廣昌縣東北百

里路通宣府大同易水志烏龍潭自廣昌縣團堡發源至州

西北塔崖驛合拒馬河長二十里牯兒溝自州西北水口發

源至殷家堡與拒馬河合長十六里清溪小河溝自州西北

蔡家峪發源至楊樹村合拒馬河長二十五里蘭城司小河

溝自涑水縣黃土臺發源至州西北南城司合拒馬河長十

二里謹案涑水自州西北浮圖峪入境東北逕王安鎮北流

屈曲逕草佃橋又東北屈逕塔崖驛又南流逕交將會又東

流逕玉山鋪又北流逕大盤石小盤石而南流屈逕三里鋪

又東流逕小新城又東流逕紫荆關下又東流逕教場村河

東村又南流逕孔各莊又北流逕栗園龍王廟又北流逕塔

泥村又北流逕嶺子南又北流逕南城司北城司又北流逕

新莊而入房山縣章方村入順天府房山縣西南境逕鐵鎖

之新店長一百六十里畿輔通志十度河在房山縣西南曲折旋

崖下又名十度河繞由十度村至石峒店歷經十度故名房

山縣志鐵鎖崖在縣西南七十里世傳禹治水於此今斷崖

上尚有鐵鍊下垂十度河在縣西南自十度河至鎮子營歷

經十度故名之即拒馬河上流謹案涑水流逕房山縣鐵鎖

崖下東南流逕章方村又東流分為三支南支有漏水石壩

分水東流逕鎮子營又分二支下入涑水縣界中支逕上灘

村為石槽溝下有石橋北支為清溝三支亂流交錯而東逕

惠莊廣潤莊又東合流而逕涑州城南其中為營田名之曰

十度河又案水經注涑水逕三女亭西又逕樓亭北左屬白

澗溪水又北逕小鬣東又東逕大鬣南蓋霍原隱居教授處

也方輿紀要白楊嶺在易州西北四十里其並峙者曰奇峯

嶺有奇峯口相傳唐置樓亭縣於此又西北十里曰官座嶺

寰宇記大鬣嶺在易州北一百九十里畿輔通志云在涑水

縣西北曰下舊聞謂即房山縣之六聘山今涑水自浮圖峪

歷紫荆關官座嶺奇峯口逕房山縣鐵鎖嶺崖雖所會諸水

多不可考其經流固未之改也崖下有龍潭北流注之又折而東南流分為

二一東入涑州一南入涑水縣畿輔通志巨馬河出涑山至

房山縣分為二支一東流涑

水

水

水

水

水

州一南流涑水縣龍灣山在涑水縣北五十里高峯卓立一名鐵裏寨上有鐵鎖崖崖下有龍潭畿輔地圖記涑水即拒馬河發源廣昌縣流入紫荆關過易州西北界至房山縣境分爲二支一東流涑州逕固安縣東南入渾河一南流涑水縣逕定興新城入白溝河謹案水經注云涑水又南逕藏刀山下層崖壁立直上千霄遠望崖側有若積刀環環相比此似卽今之鐵鎖崖又云又東督亢溝出焉一水東南流卽督亢溝也此卽今鐵鎖崖下所分東入涑州之一支又云一水西南出卽涑之故瀆矣水盛則長津宏注水耗則通波潛伏重源顯發於迺縣舊則川矣此卽今南入涑水縣之一支所云伏流顯發者卽清水河也恂其入涑州者則有涑水廣陽接今涑水縣漢迺縣屬涑郡

水挾活河胡良河琉璃河及山西諸水流合焉今爲渾河所亂無復舊流矣涑水詳下涑州北關條廣陽水詳上長楊村條挾活河詳上挾河村條胡良河詳上胡良河鎮條琉璃河及山西諸水詳上燕谷店條其由涑州城南支分者則莊頭灣也

涑州志莊頭灣在州城南其洩水之溝則有北務村找子營巨馬河支分匯爲此灣

潘各莊柳河營蠻子營香營智軍莊張家溝北務村溝下接茨村新莊入巨

馬河長五里潘各莊溝上接找子營下接徐里營長五里有奇找子營溝下接潘各莊長六里柳河營溝下接南屯田溝長三里有奇蠻子營溝在豹子莊南長三里有奇香營溝下接豬皮營入新城龍窪村長三里智軍莊溝下接下莊村又由豬皮營入新城龍窪長四里張家溝起自涑州三家村逕新城縣鳴澤村至東務里入清河長二十四里有奇皆洩水溝也其入涑水縣者始名巨馬河亦曰渠水自縣東北境伏流復出名清水河合流逕縣城東北隅東南入保定府定興縣

境水經涑水東過迺縣北酈注涑水上承故瀆于縣北垂重源再發結爲長潭涓流控引自成淵渚長川漫下東南流逕迺縣故城東謂之巨馬河亦曰渠水也袁本初遣別將崔巨業攻固安不下退還公孫瓚追擊之于巨馬水卽此水也

案據重源再發之文則涑水又巨馬之源注繫巨馬之名於此自此以下始皆稱巨馬水所以別涑水也寰宇記廢涑水縣在易州北四十二里十四鄉本漢涑縣屬涿郡畿輔通志涑水在涑州辛莊又北流逕黃兒莊又北流逕嶺東又北流逕嶺西又屈曲流逕黑兒口又北流逕板城又北流逕白石礪又北流逕趙各莊又北流逕計路又折而東流逕河東村又屈逕平峪又轉北逕福山口又北流逕小峯口又北流逕蓬頭直北即馬水口也迤南逕邢各莊屈曲流逕勾各莊又東北流逕套肩嶺下其東北岸至鎮子營與房山縣分界折而南流逕下莊屈曲流逕亂山中東南流逕都衙又東南流逕石門河北為平峪又東南流逕十都又東南流逕六都又東南流逕關上又東南流逕口子又東南流逕乾河又東南流逕沈家庵又東南流逕龍安山鐵鎖崖下又東南流逕張房下有岔河三支分流入房山縣即十度河又東南流逕北莊又東南流逕石亭山其北岸即鎮子營也南為永遠大道而入於涿州界又東南流逕木橋下又東南流逕赤土村又東南流逕祖各莊又東南流逕北辛莊又東南流逕張翠臺

又東南流逕沈家臺則有清水河之水來會焉又東南流逕縣城東又東南流逕蘭家莊又東南流逕莊疇又東南流逕東義庵南義庵西義庵又東南流逕史姑莊其對岸為夏莊入新城縣界又東南流逕北白堡南白堡又東南流逕聶村又東南流逕高洛下入定興縣吳村為白溝河長二百里五十六里清水河詳下涑水縣東關外木橋條又東南流逕定興縣南之固城鎮是為界河即宋遼分界處也亦曰北河則有迎紫河道攔河入焉方輿紀要固城鎮在定興縣今與清苑縣接境定興縣志界河今邑與新城分界處也源起新城閭家鋪由斗門而南有淘窪灣東流與之會越鋪頭東及王家莊入界河鋪遠金舊築以備宋者也其下流為西溝河案西溝河即斗門河今謂之西對北岸而名之也一統志界河俗又名之曰北河東南流至白溝店南舊自白溝店東流明永樂未徙於店南故道遂淤迎紫河詳下北橋頭條道攔河詳下涑水支分別出為馬村河東南流入河陽渡則縣西十里鋪條

有北中二易水合流注之。自下為白溝河。則有紫泉斗門泉

入之。方輿紀要拒馬河在定興縣西一里亦謂之涑水。自涑水縣流經此與五里河白溝河合入安肅縣其合處有渡曰河陽渡。白溝河在縣南自易州流入縣界。東合拒馬河。即易水也。又五里河在縣西南十里自易州白楊嶺流入縣界。東流入拒馬河。馬村河在新城縣西北四十里自涑水縣流入境。東南流合於白沙溝。志云河本自拒馬河分流。由涑水縣東南境赤土社經縣之馬村。因名定興縣。志拒馬河入定興之吳村。經中候南候。蹴西城村。掖縣城。越渾酒店。趣河陽渡。與易水會。白溝河。河陽渡。涑沙。三河合流於此。在縣南十里。俗名北河。因固城北故名。白溝河。河陽渡。下流也。古名范水。宋與遼分界處。一統志紫泉河在新城縣西源出縣西北十五里龍堂村。有泉數派。合而為一。舊南流繞縣城入高橋窪。今改入琉璃河。斗門河源出新城縣西北二十里李家營。即宋何承矩闢斗門與水利處。南流逕定興縣東為界。河下流為西溝。河南入白溝河。畿輔通志紫泉河源出新城縣西北十五里龍堂村。又南流逕俠流村。又南流縣西十里

合琉璃河入白溝河。斗門河在新城縣西由界河西溝入高橋窪。謹案拒馬河起自定興縣西北之吳村。東南流逕城南之小河村。則有易水合白澗河流入之。即北中二易水名曰北河。又東流逕西近村。則有馬村河自新城縣北來入之。又東流逕談城村。下入新城之章村。長一十一里。北易水於易州東南與中易水合流。又名百澗水。至落堡入定興縣麻固就大牛百樓巨倉之北。易上河內等村之南。與巨馬河匯於河陽渡。班固曰水亦至范陽入涑是也。又案水經巨馬河又東南過容城縣。酈注巨馬水又東酈亭溝水注之。水上承督亢溝水。於涇縣東。東南流歷紫淵。東今紫泉河在容城縣東。疑即所謂紫淵也。唐人諱淵。故以泉易名。紫泉河起自龍堂村。至十里鋪入清河。長二十八里有奇。斗門河自李家營至魏家莊入清河。長四十八里有奇。又案寰宇記易州易縣加夷城下引水經注云。巨馬水流逕加夷山。即睽子於山中。養無目父母之所也。蓋水經注佚文也。又遼史地理志。東至於海。西至金山。暨于流沙。北至臚胸。河南至白溝。幅員萬里。或譌溝作津。謂白溝亦作白津。非也。東南流逕費家莊入容城縣北境。與新城

縣漢曰分水。則有南溝中溝北溝。自定興縣流入焉。其由新

城縣支分者則高村河也。水經注督亢水又南謂之白溝水。南

西受巨馬河東出為枝溝。又東注白溝。白溝又南入于巨馬

河。唐書地理志涿郡新城。太和六年以督亢地置寰宇記新

昌故城在今縣南三十里。後漢省巨馬河在縣北。明史地理

志新城南有白溝河。西有巨馬河。保定府志新城縣白溝河

水西受巨馬河東出為枝溝。又南仍入拒馬。宋遼分界處新

城縣志高村河在縣東南二十五里。即白溝河支流源頭壅

塞。河道尚存。案畿輔通志高橋窪高橋河故道也。則是高村

河高橋窪高橋河一水也。謹案南溝首起定興縣傅家莊。逕

李郁莊侯官營韋家營藍溝入新城縣屬王家莊李家莊郝

家莊入白溝河。長三千八百丈。中溝首起定興縣楊哥莊馬

坊村朱李莊吳家莊入新城縣境歸白溝河。長二千六百四

十六丈。北溝首起定興縣太平莊。逕張子莊孫哥莊天宮寺

馬坊村入新城縣境歸白溝河。長一千四百六十丈。又案范

成大北使錄自安肅軍出北門十五里至白溝。安肅縣志白

溝河在縣北十里。一名拒馬河。為宋遼分界處。今淤方輿紀

要亦云白溝河自安肅容城縣界流入安肅。在定興西南。其

東北為容城三縣鼎峙。北中易水界乎定興容城之間。而南

易水又界乎容城安肅二縣之中。且逼近安肅縣城之北。白

溝在定興之南。容城之北。不得越境。至安肅也。蓋因南易水

自新安入。雄縣歸淀。下尾與白溝通。相灌注。而宋遼分界統

謂之界河。以致誤耳。遼史地理志易州容城縣在州東八十

里。戶民皆居拒馬河南。僑治涿州新城縣。則容城隔河南岸

為宋邊疆無疑。紀要云容城五代入於契丹。宋初復置於拒

馬河南。屬雄州是也。宋史地理志安肅軍本易州遂城縣。太

平興國六年建為靜戎軍。析易州遂城三鄉置景德元年併

水經注

卷

至涿州渡范水劉李河白溝驛在縣北三十里許亢宗奉使行程錄亦曰界河之南有白溝驛驛蓋以河得名不知何時移於安肅縣北十里明洪武六年又移於縣治之東於是安肅境始有驛以被河名即南易之流指為白溝之迹北使錄所指當是柳溝乃南易水之分支作志者不知而以今淤一語了之河道雖有遷移建置或多改作然史文尚可考信也又拒馬河上接定興縣東南之費家莊逕容城縣北城子村溝市村后臺村西壩村大小河村朱家莊逕容城縣北城子村趙家營北王咎村胡家莊田王家營匯入白溝河長三十九里新城縣拒馬河起自張村至劉家莊入容城縣境長十一里有奇恂按容城縣各村原注去縣里數城子村十五里溝市村十六里后臺村十四里西壩村九里大小河村十五里朱家莊張荆堡十二里李家張荆又東南流入雄縣西北境則堡趙家營北王咎村二十三里有南易水自新安縣恂按縣本保定府屬今裁併安州西流入焉其支分自容城經雄縣西者則黃灣河也方輿紀要白溝河在雄縣北三十里亦曰拒馬河自新城

縣流入境即宋之界河也畿輔通志白溝河在新城縣南東逕容城縣至雄縣南東入茅兒灣達玉帶河其分流一支亦由容城至雄縣西三里名黃灣河又逕新安流入四角河新安縣舊志白溝河自白溝店曲折而南五里為高橋又南十五里為趙村橋又南十餘里為西槐村迤東七八里至雄城環城西南逕瓦濟橋土人謂之清河又東為亞谷橋又東為大陰橋又東迤南為柴禾淀始與九河合流入茅兒灣新志白溝河舊在新安北四十里自西之東轉而之南逕雄縣而達海近徙雄縣之古縣村決河西南逆流過大陽村入燒車淀亦與九河合流而東此河勢處其上一直旁溢若建瓴而下其流奔湧使諸水逆流一統志霍河自易州西南發源東南流歷安肅容城安州界至新安縣西南五里為長流河一名長溝河至縣南三里又曰梁頭河自此匯諸水入雄縣界謹案白溝河西接定興縣之北河東入新安縣東北境之白溝店折而東逕墩臺又東南逕王儲村又東南逕二臺新蓋房三臺閭家鋪下入雄縣大鋪村長九里有奇恂按白溝店原注去縣三十里王儲村又折而東流逕縣城繞城四周曰名王諸村去縣亦三十里

雄河。南逕瓦濟門。曰瓦濟河。寰宇記雄州本歸義縣之瓦子

置瓦橋關。晉建軍城。周顯德六年。建為雄州。仍移易州之容

城。並歸義二縣於城中。方輿紀要。易水在雄縣南二十五里

自安州流入。境一名瓦濟河。志云。易水至雄縣南。東合白溝

河。是為瓦濟河。明史。地理志。雄縣。白溝河。在縣北。南有易

水。亦曰瓦濟河。又有雄河。瓦橋關亦在焉。一統志。歸信故城

今雄縣治。其城。宋至道景德中。築濬濠。引水。謂之雄河。巨馬

河南。逕定興縣西。至縣南。為白溝河。又東南。逕容城縣東北

又東。逕新城縣南。又東南。逕雄縣西。又東。入保定縣界。又東

南流。由永通橋。環雄縣城西南。而東。出瓦濟橋。又東。八里許

為柴禾淀。始與九河合流。入茅兒灣。畿輔通志。雄河在雄縣

南三里。自安州。易水即依城河。分流。周環縣城。逕瓦濟門。東

下。即護城河也。亦曰瓦濟河。又聞河在縣南五里。相傳為宋

楊延昭。運糧河。謹案。白溝河。正支。由新城縣。通永橋。逕雄縣

北。白馬莊。趙村。務逕西。關橋。繞縣南。逕瓦濟橋。下。又逕。遯。夏

鎮。與新安。安州之水。會於柴伙淀。下流。入茅兒灣。縣志。宋真

宗景德元年。冬。十二月。與契丹。定和議。於狄。夏。頭。以白溝。為

界。是也。又東南流。至清河門。入西淀。合於清河。土俗。故又有清

河之名。亦互受通稱之例也。謹案。白溝。即巨馬之下流。其上

巨馬支津。入定興縣南之北河。其西北來者。為白澗河。今譌

為百澗。乃中易水之下流。與北易水合。而東。逕容城縣之北

至雄縣之西北。境與巨馬。正流。合為白溝。河。澗水。東北。為涿

州。有桑乾河一道。西南。出盧溝橋。西岸。金門。闌下。逕固安縣

之西。而入於霸州之中。亭河。歸淀。入海。其或相通。注者。乃一

時。泛濫。非本河故道也。惟下尾。纏絡。交通。耳。今州志。以巨馬

為盧溝。又云。東合界河。即白溝。宋遼。以此河。分界。而名。殊誤

又宋史。何繼筠。傳。咸平二年。詔聽邊民。越拒馬塞。北。市。何承

矩。上言。曰。緣邊。戰。權。自。洵。河。至。尼。姑。口。屈。曲。乃。百。餘。里。此。天

險。也。今。聽。公。私。貿。易。則。人。馬。交。度。深。非。所。宜。又。河。渠。志。自。邊

吳。泊。至。尼。姑。海。口。綿。互。七。州。軍。屈。曲。九。百。里。深。不。可。以。舟。行

淺。不。可。以。徒。涉。雖。有。勁。兵。不。能。渡。也。蓋。拒。馬。河。於。宋。時。最。為

要。害。也。

已初一刻尖橋南涿州北關。時雲氣甚厚。雨復溟濛。涿州秦上谷郡地。漢高帝置涿縣。並置涿郡。屬幽州。後漢因之。三國魏黃初中改曰范陽郡。晉為范陽國。後魏仍為范陽郡。齊周因之。隋開皇初郡廢。大業初以縣屬涿郡。唐武德初屬幽州。七年改縣曰范陽。大曆四年析置涿州。屬河北道。五代晉天福初入遼。仍曰涿州。置永泰軍。屬析津府。宋宣和四年賜名涿水郡。升威行軍節度。金仍曰涿州。屬中都路。元太宗八年升涿州路。中統四年復為涿州。屬大都路。明洪武初以州治范陽縣。省入屬順天府。本朝因之。自寶店至此計行四十

五里。五里白草窪十里燕谷店十里挾河村五里常店五里仙峯坡五里胡良河五里涿州城

○尖後午初一刻發涿州北關。冒雨行涿州。以涿水得名。涿

志涿水在州西北。漢書地理志涿郡。涿水首受涑水。東至安次入

河。恂按安次漢縣在今東安縣西北四十里長安客話州西南三十里有岐溝。方輿

紀要岐溝在涿州西南四十里亦曰奇溝又名祁溝。宋時置關以備契丹者。胡三省通

鑑注關在巨馬河之北。自關而西至易州六十里。由巨馬而東至新城縣四十里。漢志桃水首受涑水。東至安次入河。安次在今東安縣界。水經注於下流已但言聖水。今更為渾河所奪。東安縣南五十里有桃河泊。當猶以桃水得名。安瀾志

涿水出涿州西南山。卽漢志桃水之支分流。自挾河橋下流。

入良鄉縣境。又東流逕福興莊。在縣治南五十里。又東流逕張村。又

東流逕楊合莊。一名楊和店。在縣治南四十五里。又東流逕北拜村。與胡良

河合。又東流逕祖村。在縣治南四十里。入涿州界。合於琉璃河。考水

經注云。聖水又東逕涿縣故城下。與涿水合。世以爲涿水。又

亦謂之桃水。是涿與桃無定稱。涿卽桃也。又云出涿縣故城

西南奇溝。東八里大坎下。數泉同發。東逕桃仁墟北。或曰因

水以名墟。是桃水也。或曰終仁之故居。非桃仁。仁。今本多誤。作水。志引原文亦沿其誤。洵所藏趙本也。趙云一清。按桃仁乃高雲倖臣。作仁。戴本亦作仁。因照改。墟以人得名。又傳是終仁之故

居故云。非桃仁也。今本誤以桃仁爲桃水。文義遂難通曉。今按地理志。此水所發。不與志同。謂終爲是。則是意以稱涿水爲是也。又引應劭曰。涿郡南

有涿水。今涿城南無水。以應之。惟西南有是水。則是以奇溝

東之水。定爲涿水也。又引應劭云。涿水出上谷涿鹿縣。今案

涿水自涿鹿東注濕水。濕水東南逕廣陽郡。與涿郡分水。漢

高祖分燕置涿郡。涿之爲名。當受涿水通稱。故郡縣氏之。則

是與桃水並稱之。涿水以涿郡故名。又似因上谷涿鹿入隰

之涿水。而通稱也。又云。但物理潛通。所在分發。故在上谷。

戴本作爲涿耶水。山川阻闊。並無沿注之理。則是涿郡之涿

匈奴

水並不與上谷通也。蓋水經注涿水一見聖水篇一見濕水篇。聖水篇注第云世以爲涿水又亦謂之桃水則是循世俗之稱而釋之謂是亦一涿水也。濕水篇注則曰涿水出涿鹿山世謂之張公泉下特詳引黃帝戰涿鹿事並阪泉蚩尤泉以證之。蓋謂涿之定以涿鹿得名而世謂張公者無稽也。此真涿水也。其云涿水支分入匈奴者謂之涿耶水地理潛顯難以究明。蓋謂所不可知者特支分之一水耳。水經注於兩涿水傳疑傳信極爲明晰特古水或湮或改今不可考耳。後人因諸書各爲異說以譌傳譌遂致疑水經注爲誤且因今

之涿州而以爲涿水在是反謂出於古涿鹿者爲非而專以涿耶水屬諸涿鹿同一水經注文何以聖水篇之涿水則是而濕水篇之涿水則非且聖水篇與桃水並稱之涿水則定爲涿水而濕水篇涿水支分之涿耶則抹去涿水可乎。要之涿水之得名實因涿鹿而郡之名涿亦因之出涿鹿者固爲涿水而在涿郡者亦得名涿水矣。涿水兩見明是兩水非必彼之爲是而此之爲非也是日由北關轉西關自此皆西行稍偏南。

過范水橋。涿州志作范水草橋。一統志范水橋在涿州西郭

外架木以通行人。每年冬建秋撤。隨水勢曲折無定所。涿州志。范水在州西南。方輿紀要。范水自涑水縣流入境。下流合於巨馬河。按水經注。易水又東。梁門陂水注之。陂水北接范陽陂。陂在范陽城西十里。方一十五里。陂水南通梁門。淀方三里。淀水東南流出。長注易水。謂之范水。東逕范陽縣故城南。卽應劭所謂范水之陽也。名勝志。水北曰陽。范陽郡名以此。按國名記。夏世侯伯有范。卽今之范陽。疑國名先受水稱矣。安瀾志。范水今不可考。而猶存此橋之名。蓋昔人誤以唐范陽縣卽漢范陽縣。范水當在縣北而名之。其實范水不在

此也。恂按唐范陽縣。今涿州治。漢范陽縣。在今定興縣南四十里。又范水在縣北。句疑有誤。水北爲陽。當云縣在范水北。否則原文北當作南。

過西壇村。距城三里。馬村。距城六里。邊家莊。距城十里。陶家屯。距城五里。俱

道出村中。陶家屯一稱桃屯。過此時已未正。

過二站村。距城二十五里。土人言陶家屯至此八里。道亦出村中。時未正二刻。

過二十里鋪。土人言二站至此七里。恂按此涿州西二十里鋪也。距州

城實三十里。強南望見一塔。隱約雲霧間。

申初三刻。過涑水縣東十里鋪。鋪東涑涑分界。有稻子溝橋。

畿輔通志。稻子溝橋在涑水縣東。接涿州界。易州志。稻子溝河在涑水縣東赤土

水經注卷之三十一
村拒馬河分流。舊為水溝。涿人作水磨分涑。水注之。其流頗大。官為造橋。

過涑水縣東關外木橋。輿圖上游兩支。東一支即拒馬河。即

鎮崖下。分為二支之。自縣屬石亭木橋來。易州志石亭橋在涑水縣北三十里。

方輿紀要亭山在涑水縣北。以山形亭亭特峙。而名即石亭山也。橋在山下。故謂之石亭橋。西一支發源

本境紫涼山之清水河。易州志紫涼山在涑水縣西北三十里。高百餘丈。山深谷空。樹木陰翳。清

水河在縣北木井社於家莊南流至縣東北入拒馬河。恂按木井社在縣西北三十里。於畿輔通志作于。自縣屬

昇平橋來。安瀾志昇平橋在涑水縣東北之水東村。乾隆二年。建四年。知縣王治改建。高六尺。長三丈。寬二丈。

清水河入拒馬河。合流過此橋下。入定興縣。經西關至北河

大橋。東南入白溝河。安瀾志涑水逕石亭山。其北岸即鎮子

營也。南為永遠大道。而入於涿州界。自房山縣入涿州。又東南流逕

木橋下。又東南流逕赤土村。入涑水縣境。又東南流逕祖各莊。又

東南流逕北辛莊。又東南流逕張翠臺。又東南流逕沈家臺。

則有清水河之水來會焉。又東南流逕縣城東。去縣十里。又東南

流逕蘭家莊。又東南流逕莊疇。又東南流逕東義庵南義庵

西義庵。又東南流逕史姑莊。其對岸為夏莊。入新城縣界。又

東南流逕北白堡南白堡。又東南流逕聶村。又東南流逕高

洛。下入定興縣界。吳村為白溝河。長二百五十六里。恂按里數蓋統

自易州辛莊逕黃兒莊起至此合。又清水河發源井村。東南

水經注卷之三十一

三

流合龐家河水。又南逕石圭。又東南逕安陽。又東逕安家窪。又東逕薛家莊。又東逕南北澗頭。又東南逕涑水縣北。入於巨馬河。

由縣城東而南。申正三刻。抵南關之西市梢宿。候輜車戌初始到。涑水縣。漢置。迺縣屬涿郡。後漢因之。晉曰迺縣屬范陽國。後魏屬范陽郡。周大象二年省入涿縣。隋開皇初改范陽為迺。更置范陽縣於此。六年改曰固安。八年廢。十年又於此置永陽縣。十八年始改曰涑水。屬上谷郡。唐屬易州。五代因之。宋太平興國六年省入易縣。遼復置。金元明因之。國初

與州俱屬保定府。雍正十一年專屬易州。自涿州至此計行

五十里。三里西壇三里馬村六里邊家莊三里陶家屯八里

二站七里涿西二十里鋪十里涑東十里鋪十里涑水縣。是日兵部主政史勗齋大立來。地山少司馬隨員

○初二日。昨抵寓時小雨。入夜時大時小。向曉止。卯正發涑水縣南關西市梢。

過三里鋪。實不足二里。

過涑水縣西十里鋪木橋。橋下秋蘭河水也。輿圖義倉圖俱

作秋瀾。方輿紀要作迺關畿輔通志易州志俱作迺關。安瀾志畿輔八府地圖記俱作迺關發源本境洛

平山下。易州志言迺關河在涑水縣西十自縣屬泰安石橋

來。當即道欄橋。畿輔通志。道欄橋在。方輿紀要。道欄河在涑

水縣西十里。發源樂平山。東至定興縣西北三十五里。下流

與易州之梁村水。白楊嶺水。馬跑泉水。合流而東。入巨馬河。

一名沙河。安瀾志。道欄河。以涑水本漢道縣。因地得名。

又以其逕。南北。秋。蘭村。故土俗。又名秋蘭河。涑水縣志。道欄

河流。至定興縣。入沙河。似作兩水。據方輿紀要。畿輔通志。定

興縣志。陸隴其畿輔八府地圖。記皆以沙河為即道欄河。一

統志云。舊志沙河有四源。一出易州西北白楊嶺。一出州北

梁村。合流入定興縣界。至長安城北。一出易州東北之馬跑

泉。亦流合焉。一出涑水縣之樂平山。即道欄河。南流入定興

縣界。與三水合流而東。名沙河。又東南與易水合。又東入巨

馬河。斯言較諸說為得其實。至去縣之遠近。方輿紀要作十

里。一統志作十五里。涑水縣志作四十五里。里數雖有不同。

其為涑水縣西發源樂平山。則一也。樂平一名洛平。道欄河

發源洛平泉。義倉圖四洛平東南。東南流逕西壘子東壘子

石橋下。有馬跑泉。乾河入焉。壘義倉圖作累。東南。又東南逕炭

山下之炭山村。炭山東南距。又東南逕東武山。西武山距秋

武山。距秋。又東南逕西十里鋪石橋下。又東南逕南秋蘭。西

距秋蘭西北距秋又東南逕曹家莊蘭倉六里又東南逕張家窪又東

南逕封村又東南逕司徒村又東南逕姜各莊又東南逕石

柱村石橋下而入定興縣境與易水會河陽渡圖冊涑水縣

西有秋蘭

行宮檢畿輔義倉圖涑水縣南秋蘭在縣城直西二十里弱秋蘭河之西迎紫河之東驛路出其南

過北橋頭地東屬涑水西屬易州距州縣城各二十里橋下

迎紫河水也發源易州東北洪崖山過此橋下下游即易州

東二十里鋪石橋即迎紫河橋安瀾志迎紫河古無其稱或疑為

即紫泉水水經注涑水又東北歷紫石溪口與紫石水合水

北出聖人城北大亘下一統志聖人城在涑水縣西北以方

位計之似也又易水自紫荆關來是河會易水而入於巨馬

河意迎紫之名或取諸此亦未可知也水源出易州東北東

流逕流井村又東逕白馬村又東逕永陽村折而南流逕居

士村又南流逕北橋頭山北社轄又南逕二十里鋪亦山北社轄有迎

紫橋跨其上又南逕南橋村又南逕溝子村入涑水縣界迤

東逕米家溝又東逕樊家臺又東逕東西明義又東逕東西

官莊入定興縣境之西落堡又東逕鄭村店又東逕河內村

與巨馬河合於河陽渡俗名百澗水即白澗河也

過小山南村。距易州城十五里。道出門山之間。

過七里亭。距城七里。

過五里河橋。距城五里。安瀾志五里河橋石築跨五里河上。明崇

禎十三年建。易州志白楊水在州治南三里與五里河合。恂

按合五里河處蓋在此下游。

過拐子渠。距城三里。

已初入易州城迎暉門。城東門也。易州禹貢冀州之域。周爲幽并二州之界。戰國屬燕。秦爲上谷郡地。漢置故安縣屬涿郡。後漢因之。魏改涿郡爲范陽郡。縣屬焉。晉屬范陽國。後改

曰固安。後魏仍屬范陽郡。北齊天保七年廢。隋開皇元年自

遂城移南營州及昌黎郡於此。改曰易州。十六年始置易縣

爲州治。大業初改上谷郡。唐武德四年復曰易州。天寶元年

復曰上谷郡。乾元元年復曰易州。屬河北道。五代晉開運二

年入遼。置高陽軍。宣和四年歸宋。賜名武遂郡。金屬中都路。

元初省易縣入州。太宗十一年割屬順天府。至元三年復置

易縣。仍爲州治。十年屬大都路。二十三年還屬保定路。明初

省縣入州屬保定府。本朝雍正十一年升爲直隸州。領縣

二。涑水。出城西靖遠門。尖於西關。自涑水縣南關西市梢至

此計行四十里。三里三里鋪。七里涑西十里鋪。十里北橋頭。五里小山南。八里七里亭。二里五里河。二里

拐子渠。三里。易州西關。泰甯鎮總兵清吉甫安差弁持帖來。

○尖畢午初一刻發易州東關。天有晴意。

過山廠見小水白楊嶺水也。入北易水。

過石門店見小水沙峪口水。上黃蒿河水也。俱入北易水。統詳

下易水

過梁各莊泰甯鎮總兵駐此。過門報之。莊西有。

行宮門前石橋下為分水嶺。東小河源出易州之馬家溝。東南流

逕

行宮南。又東流逕龍興寺北。又東流凡十二里入北易水。

行宮之西為永福寺。是日發易州以來所過土橋石梁皆北易水

之所纏絡也。諸涓涓細流亦皆曲曲匯歸北易水者。

未初一刻履石而渡。抵半壁店。寓華祖廟。額曰濟疾。華祖禪林。後曾祖

殿西偏。健卿郎中寓其東偏。脊分始來。廟面山背水。門前有

街道。山為東華蓋山。水則北易水。自東口子門來者。自易州

西關至此。計行二十里。十里石門店。五里梁。各莊五里半壁店。申刻禮部員外

郎世襲雲騎尉昇麟遣持名片來。

○初三日晴卯正二刻赴永甯山。健卿郎中隨往。過土橋。

踰北易而北。復過石橋。踰北易而南。計行八里。五里東口子門。三里大紅

門辰初二刻。祇謁

山陵。一統志。永甯山。即泰甯山。在易州西五十里。乾隆元年八月。

勅封為。永甯山。從祀地壇。山勢自太行來。巍峩聳拔。脈秀力豐。峻嶺崇山。遠拱於外。靈巖

翠岫環衛。其間前則白澗河旋繞。而清澗沙滋。諸水會之。後則巨馬河滌流。而胡良琉璃大峪。諸水會之。信天造吉壤。億萬世靈長之兆也。畿輔通志。秀若拱壁。簇若屯雲。考其滌洞。延袤千里。計所匯納。襟帶百川。易州志。乾坤聚秀之區。陰陽和會之所。洵為上吉之壤。

世宗憲皇帝泰陵。一統志。在易州西三十里。太平峪。

孝敬憲皇后同安地宮。禮部則例。東甯八十二里。入其長水。敦肅皇貴妃從葬。一統志。

寶城前為享殿。曰隆恩殿。門曰隆恩門。神道南為碑亭。

高宗御製聖德神功碑序述

世宗十有三年。因時建極。更化砥俗。以成繼志。述事之大者。凡數千

言碑匾皆御筆親書。亭之南為龍鳳門。外為紅門。繚垣長四千三百九十二丈。界周一百五十二里。

孝聖憲皇后泰東陵。一統志。在

泰陵東殿。字制度仿孝東陵

仁宗睿皇帝昌陵。禮部則例。在

泰陵之西。孝淑睿皇后同安地宮。

孝和睿皇后昌西陵。圖冊在

昌陵之西

宣宗成皇帝慕陵。圖冊龍泉峪在

昌陵之西

孝穆成皇后

孝慎成皇后

孝全成皇后同安地宮。

孝靜成皇后慕東陵。圖冊雙峯岫在

慕陵之東以上總稱。是日入牆東門。即東口出東便門南行轉而北。

抵大紅門外石橋南。安瀾志步過橋北石牌樓於大紅門外

東偏統謁

諸陵行裝膝地三跪九叩畢詢守護官牌樓南一峯名影壁山。富圖作特

朝迤南西為九鳳山西華蓋山東為九龍山東華蓋山雍正

間督臣李衛言泰甯山水形勝龍蟠鳳翥源遠流長左右迴

環前後拱衛實如金城玉筍蜀輶日記稱易州一帶山勢龍

嵒峭拔如花如火龍虎森嚴靈氣所鍾甲於寰宇一詳覽一

翹瞻摹繪形容皆實錄也歸途拜承辦事務衙門西府榮公

毓字秀東府載公帛。字玉均住半壁店之西既歸勛齋主政

來午後吉甫總鎮來東西府兩公來內務府關防員外郎富

基來。員外氏譚字崇階行五

○初四日晴未初赴

昌陵計行九里。五里東口子門。又四里至此。申初補褂設拜墊祭告后土監視開

工。德勝天和天聚。諸廠人咸在。詢禮部官言。

昌陵右翼為西護山。左翼為東陽山。東陽之東即蜘蛛山。既歸寓勛

齋主政健卿郎中先後自

秦東陵 距東口子門五里。

慕東陵 距東口子門十里。監視開工歸垣內清流旋折飛虹架棟所跨皆北

易水及秦甯山水也。以北易水為幹。三易水又以中易水為

幹。安瀾志述三易水甚覈錄之。志言易水有三。曰中易水。曰

北易水。曰南易水。中易水為正支源。出易州。漢故安縣易縣。西山武

峯嶺。周禮職方并州其浸洩易。史記正義易水出易縣。漢書地理志涿故安閭鄉易水所出。東至范陽入濡也。後漢

書郡國志涿郡故安易水出隋書地理志易縣有駁牛山。五回嶺有易水。徐水經易水出涿郡故安縣閭鄉西山。酈注

易水出西山。寬中谷。東逕五大夫城南。元和郡縣志易水一名故安河。出縣西。燕太子丹送荆軻易水之上。即此水也。寰

宇記中易水。水經注云。出故安閭鄉城谷中。又東逕易京城與北易水合。流入巨馬河。案中易水。北易水。南易水之名。始

見於寰宇記。其所引水經注亦與原文異。所云谷中則寬中谷之譌也。方輿紀要五回山。易州西南百二十里。亦曰五回

嶺。方輿紀云。易州有武夫關。武水所出。蓋即五回山之訛也。俗又訛為五虎嶺。謹案易水有三。前漢書地理志分易與濡

不特無中與北之名。並不言濡。亦為易。後漢書郡國志分易與霫。不特無中與南之名。並不言霫。亦為易。水經注有北易

南易之文。無中易。而據以易兼武水之稱。左得濡水枝津。故瀆。又以霫為南易。則濡左而霫南。武為中易矣。易州志以易

水出駁牛山之東。一統志駁牛山在易州西一百里。易水在州西南。源出州西。亦名中易水。攷地理志郡國志元和郡縣

志太平寰宇記俱無駁牛山而隋書地理志易縣有駁牛山
五回嶺有易水徐水以山水對舉言之則似以易水屬駁牛
山以徐水屬五回嶺矣方輿紀要以源出西山者為中易水
而以武水屬五回山皆與水經注合蓋武即中易矣而於窮
獨山下又列燕丹山俗名駁牛山不言水所出據云窮獨山
在州西北三十里燕丹山在州西北百里五回山在州西南
百二十里是燕丹山又遠在窮獨山之西北五回山則南北
相隔更遠也攷中易為正支發源較遠又似宜以燕丹山為
中易水所出如一統志所云則州之西南仍是五回山矣第
水經注於易水有五公城而無五回嶺於澧水篇徐水則五
回嶺有明文是徐水之出五回嶺無疑第易水篇以南易出
代郡廣昌縣東南郎山東北而於徐水亦云水西出廣昌縣
東南大嶺下則近五回嶺者南易也又曰經所謂閭鄉曲其
水東流有澧水南會渾波同注俗謂之鬻河則中易又似與
南易合流矣而方輿紀又以五回訛為武夫據今之所稱武
峯嶺音近武夫則中易水當以出五回者為是第水既以武
名則當是武夫訛為五回也酈注易水篇有武夫關而無五
回山可見今中易水出易州之鴨嘴溝在紫荊關西南當即

寬中谷水源所發之處古今水道之變遷蓋有不可強為之
說者矣恂按閭鄉曲據舊本也戴趙諸本俱從經作閭鄉西
山下
同 南流三十七里至上陳驛則有紫荊關南小水出紫荊

嶺自北來注之。水經注易水東左與子莊溪水合。水北出子
要子莊溪。易州西南五十里。即紫荊關水也。自紫荊關流
南。明統志子莊溪。今州城西南五十里有水。自紫荊關南流
入白澗。疑即此也。謹案紫荊關水。今俗名養澗。臺河源出易
州北之龍門溝。南流逕養軍臺。故名。又南流逕朝陽庵。又東
南流逕正面村。凡二十三里。又南流入於中易水。又據水經
注北出之文。言子莊水在北。出自子莊關南也。蓋以中易水
言之。則子莊溪為北。以子莊關言之。則溪又在關南方。輿紀
要以子莊溪在州西南五十里。紫荊嶺在州西八十里。正不
必以遠近為疑也。恂按龍門溝下原注易水志。小龍門口在
婁亭社外。通瓦窯安口二十里。內連易州至盤道口六十里。
又南流二十里逕東西賢德村。則有雙峯村河大石溝水合

流自西北來注之。

雙峯村河源出易州北之平頂臺東南流十里逕雙峯村又東南流二里逕博各莊

又東南流一里逕杜各莊又東南流五里逕西賢德村又東南流五里逕東賢德村凡二十三里入於中易水大石溝水

發源山下南流至宋各莊與平頂臺水合流入於中易水長十里

又南流十里至安各莊則

有許家村河大蘭村河獨石口水合流自西北來注之。又有

水峪口河亦自北來入焉。許家村河源出州西北之黃河口東南流二十五里逕許家村又東

南流三里逕河西村又東南流三里逕石家寺又東南流三里逕陳各莊又東南流十里逕駱駝峪又東南流八里逕趙

各莊抵南半石與獨石口大蘭村二水合長五十一里大蘭村河源出易州西北之大蘭口東南流三里逕大蘭村又東

南流五里逕小蘭村亦名小蘭村河又東南流五里逕太平地又東南流五里逕龍村又東南流五里至大良各莊與獨

石口水合長二十二里獨石口水源出易州西北之獨石嶺下東南流屈曲逕亂山中凡二十餘里逕下良各莊與小蘭

村河合三水俱入中易水水峪口河源出易州北之北口南

流逕方各莊石各莊入中易水三口勢相連接其西即東西

五公山也易水志黃河口在龍村折東流逕州治南境

社外通銀山口至盤山口六十里

志易州因州南十三里有易水為各方輿紀要易水在易州

南三十里謹案中易水北去州治紀要是也攷元和志易縣

本漢故安縣隋開皇十六年於漢故城西北隅置易縣故城

即縣之南鄙周迴約三十里武陽故城縣東七里以此計之

則志所云十三里蓋舊治也

又東流八十里逕故安縣故城南為故安河

即武陽城也亦曰武水則有軍士川水自西來入之。

水經注易水又

東逕武陽城南蓋易自寬中歷武夫關東出是兼武水之稱

故燕之下都擅武陽之名左得濡水枝津故瀆武陽大城東

南小城即故安縣之故城也高誘云易水逕故安城外東南

流即斯水也誘是涿人事經明證世又謂易水為故安河易

水志軍士川在州西一百里發源龍村社流與武夫關水合

其地多出武夫故名畿輔通志武水名中易謹案元和志云

易水一名故安河。出縣西。與水經注同。寰宇記則以北易水為一名安國河。亦名北易水。源出縣西北窮獨山中。東南流逕武陽故城南。攷故城河以縣得名。自來記載無稱安國河者。當是誤以中易為北易。以故安為固安。倒作安固。又訛固作國。否則或以蒲陰之濡水。又東流十五里至平岡村。入保據蒲陰之安國城而訛也。

定府定興縣。秦范陽縣。漢屬涑郡。隋涑縣。唐廢入易縣。金曰定興。西境。水經注易水東方輿紀要易水東流。又東流逕落堡。曰白澗河。以其上游逕經易州境入定興縣。

北白澗也。俗謂之百澗河。又東流四十里逕河內村。與北易水會於河陽渡。水經注易水逕范陽縣故城南。又東與濡水合。寰宇記中易水東逕易京城。與北易水合。流入巨馬河。畿輔通志中易水流至定興河陽渡。合巨馬河入白溝。定興縣志易水流不甚宏。積合諸澗。勢漸澎湃。故又名百澗。至落堡入縣境。麻固就大牛百樓倉。巨之北易上河內之南。與涑水會河陽渡。涑易沙三河合流於此。在縣南十

里。俗名北河。恂按。北易者古濡水也。源出易州西北孟津嶺沙河。即道攔河。

水經注易水又東與濡水合。水出故安縣西北窮獨山南谷。寰宇記北易水源出縣西北窮獨山中。東南流逕武陽故城南。又東入涑水縣界。方輿紀要窮獨山在易州西北三十里。一名馬頭山。濡水所出一統志濡水在易州北。即北易水也。南流三里逕金泊村。折東流五里逕大龍華山。又東流七里

逕小龍華山。大小龍華山在州西三十里。今亦呼為華蓋山。又東流十五里逕南口子門。自西北來注之。遼史地理志易州有泰甯山。一統志泰甯山在易州西五十里。前則白澗旋繞而清。澆沙滋水會之。謹案易水志子莊溪下云。舊志州西南五十里。有水從紫荊關南流入白澗。畿輔通志云。自紫荊關流逕

世宗憲皇帝泰陵南垣內。則有泰甯山水。自麻谷莊東流入西口子

子門

門。自西北來注之。遼史地理志易州有泰甯山。一統志泰甯山在易州西五十里。前則白澗旋繞而清。澆沙滋水會之。謹案易水志子莊溪下云。舊志州西南五十里。有水從紫荊關南流入白澗。畿輔通志云。自紫荊關流逕

世宗憲皇帝泰陵南垣內。則有泰甯山水。自麻谷莊東流入西口子

州南下流入白澗口。則是中易水有白澗之名也。據一統志則北易水亦有白澗之名。以東口子之東有南北二白澗。社故也。此二白澗在易州西。與中易水所逕寨子村東之白澗有別。涑水縣志。白澗距城西北二百里。即此白澗矣。亦謂之山後白澗。然則一統志所云白澗繞其前者為北易水無疑。又東流出東口子門。又東流

十里至北石門。則有上岳各莊河下岳河莊河合入之。又分

水嶺河。又有沙峪口水黃嵩峪水俱來入之。上岳各莊河源出易州之營房

寺東南流逕北石門。又東南流迤至兔兒王福地。與下岳各莊河合。長十里。下岳各莊河源出易州奇峯口。東南流逕黑沙坨。入北易水。長二十里。分水嶺東小河。源出易州之馬家溝。東南流逕

行宮南。又東流逕龍興寺北。又東流凡十二里。入北易水。真武廟前小河。源出易州沙峪口。逕北石門。又流逕石門店村南。入北易水。上黃蒿河。源自黃蒿峪。又東流逕荆軻山下。則有白流至石門店村南。入北易水。

楊泉水自北流注之。方輿紀要荆軻城在荆軻山下。又南二里為樊館山。白楊嶺在易州西北四十

里嶺。多白楊樹。俗訛為白羊。一統志。源泉水在易州西北。舊志在州西北十里。源出白羊嶺。由西轉東而南。入易水。謹案

賜名安

河。其水自白楊嶺發源。南流二里。逕孫家店。又南流五里。逕

韓家莊。又南流四里。逕山廠。又南流五里。逕亢各莊。又南流

三里。逕石莊。入北易水。長十九里。是年總督方觀承奏。濬安

河事宜。據易州知州黃可潤。在於州城西北隅白楊嶺下。勘

有源泉一道。其地即名源泉村。則白楊泉水即為源泉。一統

志所云是也。第考水經注。易水又東與濡水合。水出故安縣

西北窮獨山南谷。東流與源泉水合。水發北溪。東西北注。濡

水濡水得白楊水。口水出迺縣西山。白楊嶺下。東南流入濡水。時人謂之虎眼泉也。則是源泉與白楊水自是兩水。一發北溪。東一出白楊嶺下。一西北注。一東南流。判然不同。方輿紀要。白楊嶺下。不詳白楊水而於定興之適。關河則曰與易州之梁村水。白楊嶺下。馬跑泉水合流。入巨馬河。又定興之五

里河云自易州白楊嶺流入。豈五里河即白楊水耶。而於源泉則云在州西北八里。南流注於易水。其言西北是已。而以爲南流。則與水經注西北注之文又異。易州志白楊水在州治南三里。源發白楊峪。謂之虎眼泉。則是據水經注文也。而以爲南則又異矣。又所云源泉與一統志同。蓋據紀要之文也。而以爲由西轉東而南。則取水經注水發北溪。東西北注之文而彌縫之也。古今水道之不同。固有不能盡據舊說者矣。恂按安瀾志所引水經注源泉水西北注濡水。句恂所見鍾譚刊本正如是。而所藏趙本載本則俱作南流注濡水。此又舊說難以盡據之一端也。又東流三里逕

易州城南。又東流十五里逕東于堡。則有駱駝灣之水南逕

州城東五里。亦名五里河。自西北來注之。易州志五里河在州東五里發源梁

村。逕范村南流。入易水。謹案五里河即良村河。源出易州之駱駝灣。南流十二里逕良村。又南流四里許逕易州城東五里。又名五里河。又東南流四里逕石莊。又東南流五里逕范村。又東南流二里逕東于堡。又東南流三里入北易水。長三

十里。方輿紀要以五里河屬定興。發自白楊嶺。畿輔通志以白楊水流逕易州南三里與五里河合。一統志云至定興縣界合源泉水入易水。攷此河以流逕易州城東五里得名。不在定興縣界。又與白楊嶺水各出下流。乃合同入北易。亦非即白楊水也。又東流十四里逕長安城南。河自孟津嶺東流五里逕大龍華山。又七里逕

小龍華山。又三里逕西管頭。又七里逕風水牆。又四里逕半壁店。又一里逕三义口。又二里逕百泉。又一里逕小良各店。又七里逕南石門。又四里逕徐家場。又十三里逕固林北去州治五里。又三里逕斗城。又五里逕北堇村。又三里逕東臺。又二里逕北城。又二里逕楊威城。又東流逕保定府定興縣。又四里逕長安城。共長七十八里。

金縣漢曰范陽。石柱橋下。又東流三十五里抵河內村。下合中易

水。會流於河陽。渡與新城容城二縣分水。涑水自東北匯焉。

統名之曰白溝河。漢書地理志涿郡故安閭鄉易水所出。東至范陽入濡也。并州濡水亦至范陽入涑。

師古曰言易水又至范陽入涑也水經易水東過范陽縣南又東過容城縣南明史地理志定興西有巨馬河即涑水也又易水自西來合焉謂之白溝河新城南有白溝河容城西有易水又有濡水易州南有易水出州境之西山與濡水並東流而為白溝河所謂北易水也方輿紀要濡水在容城縣西自易州流入境亦曰北易水邑志縣西南二十里有黑龍渡易水與鮑河合流處誤以濡水為鮑水也一統志濡水東南入定興縣界舊志在州北三十里源出州西北會數水入范陽故城西北又東南流於容城縣西北大利亭東南合易水而注巨馬水也故地理志曰濡水合渠許慎曰濡水入深渠二號即巨馬之異名然二易俱出一鄉同入濡水南濡北易至涿郡范陽縣會北濡又並亂流入涑攷道元所云二易即北中二易也若云同入濡水是北易中易兩水之外別有一同入之濡水矣不成三水乎又云南濡北易則又指中山國曲逆縣之濡也南濡烏能越徐曹諸河至涿郡范陽會北濡且亂入涑耶酈注蓋以自注濡水合易入巨馬水而地理志及說文止言濡水入渠而不言易水故又分別言之言中易出故安縣北易亦出故安縣是二易俱出也北易向東而入渠中易亦向東而合入渠是一向同入也所以申明入渠之文也而南北俱有濡水故又言濡水在南者謂之濡在北者又謂之易所以申明二易之文也北易即是北濡故又言至涿郡范陽會者乃北濡也又並亂流入涑明其會范陽者非南濡且明其入涑者為北濡也然則經注本易明了特行文簡奧不詳句讀以二易俱出一鄉為句同入濡水為句而又讀鄉作平聲於是道元負屈而水道亦終於迷謬矣又案水經注許慎曰濡水入深今刻說文云濡水出涿郡故安東入漆明朱謀埠箋水經注云古作入涑疑當作涑說文可據吳本改作涑考涑水定興兩縣無涑水亦無涑與涑吳本是也朱據古本訂世刻之訛而所據者又為訛本蓋不求其水之合而好為異說則古本反不若改本之近理也恂按吳本明萬曆乙酉歙人吳中行瑄刊又今戴本兩深字亦俱作涑

水是濡水與滹沱滹易互舉通稱矣則是所謂入易者亦指易之下流言之於南易為近亦豈能至范陽會北濡且亂流入涑耶詳觀酈注蓋以自注濡水合易入巨馬水而地理志及說文止言濡水入渠而不言易水故又分別言之言中易出故安縣北易亦出故安縣是二易俱出也北易向東而入渠中易亦向東而合入渠是一向同入也所以申明入渠之文也而南北俱有濡水故又言濡水在南者謂之濡在北者又謂之易所以申明二易之文也北易即是北濡故又言至涿郡范陽會者乃北濡也又並亂流入涑明其會范陽者非南濡且明其入涑者為北濡也然則經注本易明了特行文簡奧不詳句讀以二易俱出一鄉為句同入濡水為句而又讀鄉作平聲於是道元負屈而水道亦終於迷謬矣又案水經注許慎曰濡水入深今刻說文云濡水出涿郡故安東入漆明朱謀埠箋水經注云古作入涑疑當作涑說文可據吳本改作涑考涑水定興兩縣無涑水亦無涑與涑吳本是也朱據古本訂世刻之訛而所據者又為訛本蓋不求其水之合而好為異說則古本反不若改本之近理也恂按吳本明萬曆乙酉歙人吳中行瑄刊又今戴本兩深字亦俱作涑

南易水者古雹河也亦名鮑河又曰瀑河源出易州西南六

十里郎山東之石虎岡後漢書郡國志涿郡故安雹水出水經注闕駟曰涿郡西界代之易水而

是水出代郡廣昌縣東南郎山東北燕昭王仙臺東其東謂

之石虎岡後漢書中山簡王之寔也山有所遺二石虎後人

因以名岡之東麓即泉源所導也經所謂閭鄉曲其水東流

有滋水南會渾波同注俗謂之為雹河隋書地理志上谷郡

永樂有郎山方輿紀要狼山在州西九十里羣峯聳踞狀如

狼牙石獸岡在州西南六十里亦曰石虎岡雹水出於此亦

名鮑水或謂之南易水幾輔通志雹水一曰瀑河亦曰鮑河即南易水也謹案滋水今無攷據酈注則是雹河即滋水詩

衛風滋彼泉水亦流于淇毛傳泉水始出滋然流也水經注

濕水篇敦水又東滋水注之渭水篇黑水入瓦亭川滋水自

西來會蓋水之無名者酈皆以滋名之此所云滋蓋亦無名

之水也而幾輔通志又云雹河源出石獸岡灌河入之今亦

無此水豈即滋水耶又幾輔通志三易惟南易自為一派以

出易州曰武曰濡曰雹互攝通稱謂之易水南易水不見漢

志即雹水之名亦出於司馬彪注而酈道元又以為易水東

流滋水南會渾波同注俗謂之為雹河則南易水之源固非

即雹也亦猶中易水經武陽城得武水之稱經故安城得故

安河之名耳酈又云易水逕縣南鄭縣故城北東至文安縣

與虜池合引史記蘇秦語以證之謂班固闕駟之徒咸以斯

水謂之南易闕駟十三州志今已失傳班固或是班彪之謬

然雹水之名始見彪志亦未嘗云南易豈酈所見之書為今

云洛水出易陽縣西山洛州永年縣下云風土記云南易水

本名漳水趙地記云六國時此水名易水埤蒼及水經云洛

水之目不知誰改俗謂山下之地名洛因經之故曰洛水燕

趙記云其分有三易漳為南易則是南易之名不特雹水其

所引水經注亦當是佚篇未必樂史偽撰也又郎山有二在

易州西南者為南易水所出徐水亦逕其山南一在唐縣西

者為澹水所經或作根山亦作狼山水經注澹水又東左會

一水水出中山城北郎山阜下亦謂之唐水也然於城非在

西又名之為雹水又兼二名焉西南流入澹並所未詳蓋傳

疑耳則是狼山之名既同卻又同有雹水之稱彼此應兩存

疑以傳疑是也。或疑其混二山為一。而以爲唐水有雹水之稱。過矣。恂按詩。苾彼泉水。王應麟言。韓詩作祕。說文作祕。未有言作滌者。於此更得一解。屈曲東南流二十里。逕孔山北。又屈曲東南

流二十里。逕城陽村。則有西攷山之水。東南流注焉。水經注

東逕孔山北。下有鐘乳穴。入穴里許。渡一水。潛通流注。其深可涉。於中衆穴奇分。上又有大孔。壑達洞開。故以孔山爲名也。元和郡縣志。孔山在易州西南四十五里。案方輿紀要。明統志俱作五十里。易水志。孔山巔有三孔。狀如星。月。又名星月岩。穴有鐘乳。又名乳山。謹案。孔水源出易州西七十里之乳水洞。一統志。水上有石槽十二。每歲正月十六日。自西至東。鄉民循次而占。某月旱則某槽無水。某月雨則某槽有水。多奇。中西攷山水源出州西南四十里之西賢山。東南流逕三星石。又東南流逕了水村。又東南流逕成陽村。凡二十三里。入於南易水。考西攷山之名。不見記載。方輿紀要一統志。皆以黃伯陽洞係之。孔山洞中東西二水相隔。世以在雹水東岸者爲孔山。其隔河一水直孔山之西北。人即以孔山

目之。西攷者。西孔之訛也。或以爲西攷山水。卽水經注之滌水。考水經注以南易水導源石虎岡。明云經所謂閭鄉曲。其水東流有滌水。南會渾波。同法俗謂之爲雹河。不言出孔山也。下乃云易水。又東逕孔山北。則是先有滌水。而後有孔山穴中之水也。易水志於黃伯陽洞。則云在州西南八十里。第一云洞分東西。中有小水二丈許。於雹水。則云在州治西南六十里。經黃伯陽洞前。東流一名滌水。而於孔山。則又云在州西南五十里。以州西南八十里之伯陽洞而屬之。州西南五十里之山。已爲可疑。而於州西南六十里之雹水。反逕西南八十里之伯陽洞。則愈西南流矣。猶得謂之東流乎。不足據也。又屈曲東南流三十六里。逕范村。南入安肅縣。戰國時燕置北新西北境。明史地理志。安肅縣。易水在北方。輿紀要。鮑城縣。河在安肅縣西北。自易州入境。一統志。安肅縣在保定府北。又東南流十六里。逕回城村。曲水河自縣西北之蓋村東流入焉。今無水。又東南流十四里。逕遂城村。是

名武遂津

水經注易水又東流屈逕長城西又東流南逕武遂縣南新城縣北俗又謂水為武遂津寰宇記南

易水歷縣界燕時謂之武遂津謹案武水河在安肅縣西四十里首起縣西四十五里之釜山村東流十二里逕曲城村入於雹河即曹河源也水經注所謂曹河澤高陽記所謂曹水出釜山者也今源泉淤廢向之下流東南出者無迹可考惟存東流又東南流十六里逕姜女廟南分一支東出為支乾溝而已

津其西支又東南流逕安肅縣城北

一統志雹河自易州流入逕安肅縣北門外安

肅縣志鮑河即雹水今之南易也在縣北關外謹案明史地理志安肅下云易水在北曹河在南徐河在西南又有鮑河今鮑河逕北門外未嘗在西南也又既以易水鮑河分為二則易水為指北中二易言之方輿紀要安肅縣易水在縣北自定興縣流入境又東入容城縣界即白溝河也易水自定興縣界流入容城即至雄縣歸淀河何曾至安肅界乎又云鮑水在縣西北自易州流入境又南昌水在縣西輿地記云南昌水東流過梁門去縣西二十里今縣西無南昌水豈

又即南易之訛耶

則有雞爪河自定興縣南流入縣境會萍泉河南

流入焉

雞爪河在安肅縣西北十里其源有三皆出定興縣西南東一泉出陳村西南流五里合於李家莊泉中

一泉出李家莊西東南六里合於陳村泉二泉會而東南流四里又有西二泉一出桃村店南一出馬家莊東二泉會而東南流六里逕營廟合而東南流入於安肅縣北境之申家莊又東南流十里會萍泉河萍泉河源出縣東北二十里之萍泉分為二流自泉而南者西南流十六里會雞爪河又北流五里逕縣城南關外入於雹河自泉而東者東流入容城縣西南境胡渠溝入焉又東南流龔家溝入焉又東南流入新安縣境入於雹河又東流十五里逕

吳邵村入容城縣西南境又東南流十八里逕黑龍口

寰宇記容

城縣南易水在縣南一統志雹河又東南逕容城縣南二十里容城縣志易水在黑龍口南連安州西接安肅延袤五十里謹案方輿紀要云易水在容城縣南自安肅縣流入境是已又云復東北流逕新城縣境又東南入雄縣界亦曰白溝

亦曰巨馬河則直是北中二易水之道而非南易也下復引水經注易水逕容城縣北又東渥水注之今渥水湮廢久矣電河亦名南易水則仍是南易殊欠分曉又河道起縣西南之西牛營東南流逕王村小李村至黑龍口出境長十八里縣志云延柔五十里蓋連接安肅安州之境而言也乾隆二十八年自姜女廟口起至容城交界止開濬長四千五百丈民間物產貿易自定興縣北入安州東北境又東南流入新河直抵姜女廟百姓稱便

安縣西北境逕三臺其分支為新引河一統志電河又東南

臺城在新安縣西寰宇記三臺在容城縣南三十五里城冢記云燕魏二國分易水為界案方輿紀要改作燕趙是也魏地不得至此新安縣志新河在城北二十里自三臺西黑龍口起至南河頭隄根止約長三十里上分電河水勢兩頭中間建閘三座以時蓄洩謹案新引河雍正四年開起縣西北三十里之三臺村電河東岸東北流十里逕張家莊大澱淀之水北流入焉又東十里逕于家莊又東流五里逕西陽村又東流五里逕小陽村大陽村入於燒車淀恂按新安縣於

道光十一年裁併安州以州判駐此又東南流二十里逕襍淀與依城河會為

長流河合大澱淀殷家淀之水而入於西淀明史地理志新

一名長溝河其上源為鮑河南有曹河又有徐河經縣南合流為溫義河又南與長流河合又東南入於瓦濟河一統志電河又東逕新安縣西南與依城河合為長流河舊志電河自易州西南發源東南流歷安肅容城安州界至新安縣西南五里為長流河一名長溝河至縣南三里又曰梁頭河自此匯諸水入雄縣界穿蓮花淀會高陽河至縣西南與白溝合抵瓦濟門為瓦濟河今故道變易自淀東過易陽橋至雄縣東南二十五里合玉帶河又至縣東南三十五里與清河合曰三汊口又東入保定縣界畿輔通志電河由新安之黑龍口歸襍淀新安三面皆水惟城北為乾土而地處容城下流雨潦南下則大澱淀一帶盡為鄰壑雍正三年怡賢親王於三臺村引電河經小王營尙村之北至南河頭入燒車淀南岸築隄建閘以時節宣隄內大澱淀遂成腴田謹案長流河一名長溝河在新安縣西南五里其分支在縣東五里之

張家莊為稠河一名試牛河其上流有二皆自安州來曰依
城河入縣西南界東北流三里入襍淀分支北流合雹河入
縣西北界東南流三十里逕縣治西南會依城河又東流五
里環縣城而東流十八里逕郭里又東流三里復會於依城
河襍淀在新安縣西五里周三十里新安縣志云雹水蘆草
灣之所瀦也大激淀在新安縣西北五里周四十里即水經
注大渥澱也南流入於長流河雍正四年開渠引水以為營
田殷家淀在新安縣東三里即水經注小渥淀也蘆草灣今
名蒲草窪又案方輿紀要易水源出易州西山谷中樂史云易水

有三源流逕易州南三十里者中易水出州西北三十里窮

獨山者謂之濡水亦曰北易水出州西南六十里石獸岡者

謂之雹水亦曰南易水恂按水經注作石虎岡唐人諱虎改虎為獸宋猶沿之中易水

流逕定興縣西亦謂之白溝河涑水縣之巨馬河流合焉自

是易水兼有白溝河巨馬河之名宋人引之與遼分界又有

界河之名又東逕安肅縣北及容城縣北濡水流合焉所謂

北易水也又逕新城縣南亦曰巨馬河易水下經新城縣因水經注有亂流入涑

易水與諸水互攝通稱之文而遂以巨馬河為即易水也歷雄縣北及順天府霸州之北

良鄉縣之琉璃河固安縣之盧溝支河皆合流焉自雄縣以下皆涑水

所行之道而北中二易合之者也詳上巨馬河條又東逕東安縣及永清縣南入武

清縣之三角淀又東南至直沽與衛河合達於海此易水之

東出者也其南易水自安肅容城縣南又東逕安州北曹河

徐河石橋河一畝泉河滋河沙河雅兒河唐河與易水共為

九河合成一川。統名易水。東至雄縣南。亦名五濟河。又東歷河間府任邱縣北。霸州之保定縣。文安縣南。引而東。合於滹沱河。同注於海。此易水之別出東南流者。蓋易水之源並出於易州。而其源自不相亂。或曰易水。或曰故安河。則推其本而言之也。或曰拒馬河。或曰白溝河。則從其流而言之也。其於南易水。或曰滋河。沙河。唐河。則因其所匯合之川而言之也。宋何承矩議引易水為塘埭。既可以限敵騎。又可以利耕民。然自宋人引水作塘之後。而川流之故道益亂矣。或曰易水本無正流。附合支川以達於海。故自漢以來。言易水源流者多未得其詳云。顧氏敘二易源流。較他書為明晰。然其言北中二易。經安肅新城。則二易水南不屆安肅北。不抵新城也。其推本名。又失中易有武水之一名。其言南易。則從俗說。歷數九河。而安州以下。又遺卻新安。恂按。自道光間。新安裁併安州。顧氏之文。轉合新安為南易入淀之要道。安州以南之水。皆匯於此。甯可忽也。故備錄原文而詳論之。至其末所引。或說則尤為無據也。

恂按。截運易州

陵精。自天津西沽撥載。經大城等處。直抵白溝。計程三百二十里。見漕運全書。內行淀河者二百三十一里。自天津西沽起。十八里。韓家樹三十里。鐵隄頭二十

里烏龍口屬靜海四十里臺頭村大城縣地也十四里楊家地四里傅官營四里石溝村八里左各莊五里王家疙疸三里任家莊十里下馬頭四里蘇家橋屬文安五里苑家口屬霸州三里善來營三里魚津窪二里太保莊二里口頭村三里盧各莊四里于家莊三里張各莊二里擺渡口保定縣城在其南三里王各莊二里鷹嘴壩三里張青口七里茅兒灣三里冰窖四里大港引河口十里馬自清口門入白溝河道河開口十二里清口門即清河口

雄縣城縣新城縣境安瀾志言白溝河中易北易二水合流至雄縣西北會涑水故名白溝河又名大清河入雄縣境繞縣城西而南又名雄河又南流入於清河是為清河門一名清口門在雄縣東南二十里白溝河入淀處白溝河亦有清河之稱以其對渾河而言水道管見言向來南漕運送易州故其入淀之口曰清口

陵精在白溝河設倉白溝店屬容城漕船至雄縣起剝故漕運丁舵猶有留

雄縣糧之語後以淺阻漸至保定縣起剝後漸至苑家口蘇

家橋起剝乾隆四十年猶於保定縣見糧船今則至左各莊距蘇家橋尚已

不能前云云蓋慮下游之日益高矣然下游縱即無恙而白

溝河之上尚須陸運百數十里白溝河上游為河陽渡即北河店

地屬定興咸豐間譚端恪諮訪上游能否疏通挽運蓋增一里水

程即減一里陸運也時李仲宣觀察廷瑞令定興奉檄查勘

惜沙浮水弱未之能行稟畧遵即馳赴涑水易州新城等處周歷履勘查得自新城縣大清河起

至縣屬北河店止河長一百四五十里即拒馬易水百澗三河會歸之處水勢長發之時足資剝船浮送現在河水淺涸

自縣屬楊村以下尚有小船通行自楊村至北河計二十餘里即多淺阻察看河身兩面均係浮沙難以開挖且上游來

源不旺疏導下游亦屬無益又查北河上游水分三股一股自涑水鐵鎖崖下注曲折至縣屬西關土橋由土橋東南會

歸北河。此名拒馬河。一股自易州孟津嶺發源入縣屬之長安城。經河內東引等村。下與拒馬河會。此名易水。一股出易州鴨嘴溝百澗等村。入縣屬之西落堡村。經百樓平堽正村。河內等村與易水會。此名百澗河。易水百澗二河。河身寬窄不一。水源甚微。且均係山根沙壅。中間有百樓一村。計十餘里。水係伏流。難通舟楫。惟拒馬河一股發源廣昌至涑水鐵鎖崖。水分爲二。一股東流入涑州房山縣境。一股南流經涑水縣東關入定興縣境。問之本地耆老。據云。從前鐵鎖崖分水處。水勢順流。七分入涑水。三分歸房涑。後因鐵鎖崖山根倒塌。其水東流。直趨房涑。故房山涑州水田受益。不虞乾涸。南流僅及十分之三。故涑水定興無水之利。亦無水之患。今欲疏通河道。惟有將鐵鎖崖分水處東流稍加堵築。南流勤爲疏導。使水仍復七分入涑水。三分歸房涑之舊。則水之入涑者少。入涑者多。下游直注卑縣西關。自西關至北河。由北河至新城。大清河即可無虞。水涸剝運亦可通行。無滯。但房涑一帶水田。既資鐵鎖崖之水。若加以堵塞。彼處恐有缺水之虞。而南流之水。使復七分。之舊。來源甚旺。在平時僅獲載運。剝船之利。適遇大雨時行。山水陡發。則下游村莊。難免受

害現勘情形利害參半。但境連數屬。事求兼濟。可否飭知易州涑水等州縣詳加覆勘。妥稟辦理。理合繪圖貼說。稟請察覈。示遵云云。此亦恂任清河道司水利局時事。

○初五日晴。寅正起。卯初發。半壁店。由路南穿店過嶺。便道

山行道在

御路之南。

辰初。過易州。入城西門。出東門。安瀾志易水篇紀橋渡云。鎮

遠橋在易州西關外。明萬曆十五年建北石橋在州西關柵欄外。嘉靖

十五年迎恩橋在州東關。明秀橋在州西廠東關。嘉靖二十年建惠全

橋在廠西關外。天順二年萬曆十五年修大石橋在廠西關。正德十二年建嘉靖十六年

承甯氏曷登已

長

年韓信橋在州西十五里之高村社。此當是韓王信非淮陰侯也。以上七

橋皆源泉水所注。恂按水經注所稱濡水東流與源泉水合。

水發北溪東南流注濡水者也。今正注北易水。或以為即白楊泉水。

安瀾志已辨其非。又按國初因明制。易州領涑水縣屬保

定府。雍正十一年升直隸州。領涑水如故。並以山西大同府

蔚州屬廣昌縣改隸焉。以

陵寢重地。從督臣李衛請也。奏畧秦甯山發脈自廣昌。分為三支。由

插箭嶺高起南來。從浮圖峪東轉起伏。聯綿伏觀來龍左右兩支多係直隸所轄。同屬一省。保護綿密。惟廣昌至紫荆關易州一百九十里中支龍身正脈。轉係

直晉兩省接界。分管浮圖峪之東。又有山西廣昌縣之草橋店等七村莊。更在內垣近障之中。緊貼龍脈。尤當敬謹保護。

兩省各屬。未免呼應不靈。且廣昌一邑。南連唐縣。北接蔚州。

蔚縣東通易州。三面環繞。俱係插入直隸地方。從前亦係直

隸武職防守。又自縣治至晉省所屬之大同府二百六十里。

至山西省城七百餘里。較之至直省保定府止三百一十里。

至易州交界止三十五里。由縣至州城共止一百九十里。其

為遠近相去。逕庭。臣經廣昌地方。據鄉民紛紛具呈。籲請就

近改歸直隸。是會元氣於天。垣合龍脈。於地軸順。民情於人

和一舉而三善備。則廣昌一邑。斷宜改歸直隸。為便擬請以

易州升為直隸州。以保定府之涑水山西之廣昌二縣為州

轄。以浮圖峪內原屬廣昌之草橋店等村。永歸州界。則東西

拱衛更昭整肅。至晉省或以地方人民有關課額。則普天率

土同為國家錢糧。原無盈虧之別。若欲彼此易換。則兩省

接壤州縣。非咽喉要隘之區。即係隔越關山界限。無可那調

惟查張家口同知所管口外納糧地畝。沿邊七百餘里。包裹

晉省之外。離歸化城八十里。方佳。田土肥美。無殊內地。每年

豐收。接續開墾。日見增益。此處在張家口同知所轄。未免遙

遠。不無鞭長難及之勢。而於晉省則為要地。現在鎮臣李如柏奏請添設衛所。即係此一帶地方。若分歸山西就近管轄。

一轉移間兩省均屬有裨。自半壁店至易州西關。肩輿四班。來程以道瀟紆回繞越未

計班數

過拐子渠五里河七里亭。

過麻屋莊鋪。距州城十里有墩臺。

過門山。兩山相對如門。道出其間。土人呼為北山南麓有小

山南村。來時經之。南山南麓有大山南村。歸時經之。村均距州城十

里五

過北橋頭。

過涑西十里鋪。鋪西木橋入涑水縣界。路北有真武廟。

過三里鋪。

已初三刻。抵涑水縣城南關。西市稍舊。館尖。涑水令張菊畦

士銓來晤。言民情甚悉。並言。縣城祇南北二門。南門外為南

關。其午道東西綿長。中有四望樓。居人以街之。在樓東者為

東關。其在樓西者為西關。自半壁店至此。計行六十里。二十

州西關二十里北橋頭。自易州西關至此。肩輿十一班。

○尖畢。午初三刻發。涑水縣西關。菊畦明府來送。

過涑東十里鋪。

過涑州西二十里鋪。過二站陶家屯。邊家莊。馬村。西壇村。

過范水草橋。范水實不在此。已據安瀾志。涑水篇橋渡冊文。

紀之來程。然則范水究安在。今檢易水篇附載冊言。范水在

涑水縣東南。其上源已斷。下即白溝河也。水經注。梁門淀水。東南流出。長注。易

水謂之范水。易水自下有范水。通曰。又東逕范陽縣故城南。即應劭所謂范水之陽也。謹案。漢書地理志。涑郡有涑縣。范

陽縣。應劭所云。范水之陽。是漢范縣。非今之涑州也。名勝志。明史地理志。方輿紀要。皆以為范水在涑州南。不知曹魏所

改者。郡也。非縣也。郡治涑。兼領范陽。其後古范陽。屢徙。而唐移其號於涑。初不因水名也。故酈道元云。應劭曰。涑郡。故燕

漢高帝六年。置其南有涑水。蓋氏焉。闕駟亦言是矣。今於涑城無水。以應之。惟西南有是水矣。是則酈於涑水無考。而欲

以涑縣故城西南之桃水當之也。如又以范水為在涑州之南。豈桃水又即范水也。又酈云。聖水自涑縣東與桃水合。首

受涑水於徐城東南。良鄉西分。洹水世謂之南涉溝。即杭水也。東逕迺縣北。朱謀埠箋注。孫曰。洹水當作恒水。杭水疑作

范水。涑之為范。陽郡蓋亦取於此。迺古道字。則是涑。又疑有

范水也。然杭字字形疑為桃字之訛。未必定為范也。據水經

注。不敘范水。第云梁門淀水。東南流出。長注。易水。謂之范水。

則范水即梁門淀。又云。易水自下有范水。通曰。則范水即易

水。是在酈當日。范水已無定指。必欲求一水以實之。轉

為失實矣。恂按。梁門淀即梁門陂。在安肅縣東北。今堙。范陽

陂水。即鹽臺陂。在安肅縣北。今堙。水經注。易水東分為梁門

之水。上承易水。於梁門東入。長城東北入陂。陂水北接范陽

陂。陂在范陽城西十里。方一十五里。俗亦謂之為鹽臺陂。謹

案。一統志引舊志云。定興西南五十里。閭臺之西有狼兒淀。

地形窪下。郎山之水。瀦焉下流。為曲水。河至安肅縣西入。電

河。蓋即鹽臺陂。閭臺乃鹽臺之訛也。又有雞爪河。亦自閭臺

平地湧出。三五不一。分流形如雞爪。繚閭臺。逕安肅入。電河

蓋即陂水之南通。梁門為范水者。則是范陽陂。雖堙而水流

由涿州西關轉抵北關宿站。時申正。州牧郝近垣聯薇迂於西關。復來晤言。州境上年山水所過。民田沙壓。然境亦間變為腴。得失尚屬參半。惟河道尾間不暢。琉璃挾活胡良拒馬。諸河都無所洩。疏濬下游。實為急務。郝亦留心民事者。因言及此。涿水即桃水。安瀾志言之鑿鑿。今檢涿州志說與此異。並存備考。州志言。涿水。州西北。水經注。涿水出涿鹿山。世謂之張公泉。東北流。逕涿鹿縣故城南。王莽所謂禡陸也。黃帝與蚩尤戰于涿鹿之野。留其民于涿鹿之河。即于是處也。方輿紀要。涿水源出保安縣之涿鹿山。徑山谷中。歷房山縣界。

東南流至州北。又南合於挾河。按諸書所紀涿水。其說各異。寰宇記謂出范陽縣西土山下。名勝志謂從大同得勝堡入。一統志引水經注。奇溝東八里數泉同發之水。以為涿水。即

桃水。按奇溝東八里之水。並非桃水也。詳下桃水。志於下文紀桃水云

桃水。州西北。水經注。聖水自涿縣東與桃水合。首受涿水於徐城東南良鄉西。分洹水東。逕迺縣北。又東逕涿縣故城下。與涿水合。世以謂涿水。又亦謂之桃水。又云。出涿縣故城西。南奇溝東八里大坎下。數泉同發。東逕桃仁墟北。或曰。因水以名墟。則是桃水也。或曰。終仁之故居。非桃水也。余按地理志。桃水上承涿水。此水所發。不與志同。謂終為是。今按酈氏所載如此。明以上承涿水者為桃水。而非奇溝東數泉之謂矣。顏師古漢書注。桃水首受涿水。分東至安次。入河。名勝志首受涿水于徐城。合于聖水。始匯范水。城西桃莊。以此名。恂按。非桃水也。句水字。乃仁字之誤錄。此文者。蓋未悟桃仁之

爲高雲。又謂應劭涿水出涿鹿縣之說疑無據。按水經注既

以張公泉實之。而隋書懷戎有涿水。懷戎卽涿鹿縣地。北齊

改名。是與涿水出涿鹿之說符矣。又謂水經注寰宇記卽

今之巨馬河。按水經注涿水。桃水俱合于聖水。聖水自涿縣

東與桃水合。又東逕涿縣故城下。與涿水合。寰宇記涿水東

北流。經縣北五里。又東注聖水。聖水今琉璃河。縣北五里。則

是巨馬河也。要之水流遷徙。非復舊迹。而巨馬挾河琉璃諸

水。其下流悉合琉璃河。徑良鄉縣界。在涿州北三十里。恂按

州志於一統志說涿水之文。駁之甚力。然檢一統志於敘涿

水之末云。今不可考。姑錄之以存古名。未始非疑事。毋質之

義也。自涿水縣西關至此。計行五十里。二十里涿州西二十

十五里涿州北關尖後肩輿十七班。

○初六日夜雨向曉未已。卯初三刻。昌雨發涿州北關。涿之

於古最著。而今不易考者有三。一涿水。一范水。一督亢陂。古

今之說。督亢陂者。甚夥。括地志言。督亢陂在幽州范陽縣東

南十里。逕五十餘里。郡國志言。方城有督亢亭。劉向別錄言。

督亢膏腴之地。水經注言。涿水東逕徐城北出焉。世謂之沙

溝水。又東督亢溝出焉。一水東南流。卽督亢溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

流。卽沙溝也。一水西南流。卽沙溝也。一水西南

出卽涑之故瀆矣。水盛則長津宏注。水耗則通波潛伏。重源顯於迺縣。又言巨馬水又東。酈亭溝水注之。水上承督亢水於迺縣東。督亢溝水上承涑水於涑谷。引之則長潭委注。過之則微川輟流。水德舍和。變通在我。東南流迺迺縣北。又東迺涑縣酈亭樓桑里南。又東迺督亢澤。澤苞方城縣。縣故屬廣陽。後隸於涑郡。孫暢之述畫有督亢地圖。言燕太子丹使荆軻齎入秦。秦王殺軻。圖亦絕滅。地理書上古聖賢冢地記曰。督亢地在涑郡。今故安縣南有督亢陌。幽州南界也。風俗通曰。沆漭也。言乎淫淫漭漭無崖際也。沆澤之無水。斥鹵之

謂也。其水自澤枝分。東迺縣故城南。又東迺漢侍中盧植墓南。又東散爲澤渚。督亢澤也。北屈匯於桃水。督亢水又南謂之白溝水。史記索隱言。徐廣云。涑有督亢亭。地理志屬廣陽。督亢之田在燕東。甚良沃。欲獻秦。故畫其圖而獻焉。北史言。盧文偉說刺史裴儁案舊迹。修督亢陂田萬餘頃。人賴其利。儁修立之功多以委之。魏書言。裴延儁轉平北將軍幽州刺史。范陽郡有舊督亢渠。徑五十里。儁疏通舊迹。爲利十倍。百姓賴之。隋書食貨志言。齊孝昭皇建中。平州刺史稽暉建議。開幽州督亢舊陂。長城左右營屯。歲收稻粟數十萬石。北境

得以周瞻。太平寰宇記言督亢陂在范陽縣東南十里。郡國志云陂見有海龍王神祠在焉。方輿紀要言督亢陂在涿州東南十里。其地沃美。跨連涿州新城之界。長安客話言陂舊有亭遺址高丈餘。周七十步。土人掘其處。尙多古瓦礫金錢。一統志言督亢陂在涿州東南。舊志陂池廣衍。跨連新城固安二境。督亢亭在新城縣北一里。紫泉芹河之間。遺址突兀。高二三丈。又見涿州及固安縣。蓋自易州涑水以東及涿州固安之界。皆古督亢地也。安瀾志芹河舊志不載疑卽斗門泉以上皆紀督亢之文。而以安瀾志之說水經注爲最確。志言謹案水經注云。

沙溝水又東督亢溝出焉。一水東南流卽督亢溝也。一水西南出卽涑之故瀆矣。水盛則長津宏注。水耗則通波潛伏。此言涑故瀆之水也。下文云巨馬水又東。酈亭溝水注之。水上承督亢溝水于迺縣東。督亢溝水上承涑水于涑谷。引之則長潭委注。過之則微川輟流。則是督亢水亦因涑水爲盛。耗也。下又云孫暢之述畫有督亢地圖。秦王殺軻。圖亦絕滅。則是督亢地已難考據也。下又云督亢地在涿郡。今故安縣南有督亢陌。幽州南界也。風俗通曰。沆漭也。言乎淫淫漭漭無崖際也。沆澤之無水。斥鹵之謂也。則是督亢地雖有可指而

無水也。下又云：其水自澤支分，東逕涿縣故城南，又東散為澤渚，為督亢澤也。北屈匯于桃水，督亢水又南謂之白溝水。則是其地四出之水合于桃而入白溝者，即是督亢水也。蓋在當日之言督亢者已如此，今必欲確指一處則鑿矣。大概涿州而南，涑水東南跨固安、新城二縣界，皆當日之督亢地耳。督亢跨越之境一統志有易州而無新城，安瀾志有新城而無易州，其言涑涑固則同，然皆約畧之詞。

過永濟橋胡良河橋，皆冒雨行。雨中見窩鋪題字第四鋪綫莊、五鋪東先峯坡、六鋪常店、七鋪周家莊、八鋪挾河村、九鋪羊戶屯、永濟橋南坊曰萬國梯航，橋北通軒。其北額曰千間。

大庇南額曰一葉通津。先峯坡或書仙峯。涿州志作仙風。志

仙風坡在州北十二里，舊志安樂窩宋邵康節居此，今為仙風坡。日下舊聞考以為當作宣封。舊聞考言元歐陽元涿郡名賢碑記云：邵雍其先涿人，今州西北十餘里有邵村，謂即以安樂窩得名。又州西北十五里宣封坡，舊有木坊，書邵子講易處。據此則仙風係傳訛，應從歐記作宣封為是。

過羊戶屯鋪，梢折見義勝營前涿州界碑。過此入良鄉界。過挾河橋琉璃河橋，過房山境白草窪，仍冒雨行。

已正一刻抵寶店尖。自涿州北關至此計行四十五里。十里

○尖後雨益連綿。午正一刻冒雨發寶店。

過宏恩寺小十三里大十三里蕭家莊。

未正一刻。過良鄉縣城。逕南關石橋行城根。復逕東關石橋。北行城南三里有望諸君墓。踰乾河而北有郊勞臺。涑以水名。其縣易與涑各以水名。其州至良鄉獨否。然良鄉有鹽川之稱。未始不以水名也。方輿紀要言良鄉縣閻溝河在縣南。五代史契丹數抄盧龍諸州境。涑州運糧入幽州者輒伏兵於閻溝掠取之。唐長興三年趙德鈞鎮盧龍城閻溝而戍之。因移良鄉縣治焉。自此糧運稍通。一統志謂之鹽溝水。許亢宗奉使行程錄亦言良鄉縣乃唐莊宗時趙德鈞所鎮也。幽州歲苦遼兵侵抄轉餉乃於鹽溝置良鄉縣。長安客

話良鄉亦稱鹽川。因境內有鹽溝故也。鹽溝即閻溝。日下舊聞考舊

傳其水可煎一統志鹽溝河在良鄉縣南。源出宛平縣龍門口。

東南流逕良鄉縣東南四里陶村會廣陽河。

過長楊村。村中石橋較高大。橋下當即廣陽河水也。南市稍

將盡復有石平橋。疑即良鄉輿圖所稱石橋。雅河所經。今無

水。村北大石橋一。讀橋側碑知為永安橋。前明萬曆四十二

年勅建。碑文大約言長陽店北窪下。夏秋雨潦行旅沈墊之

意。今無水。橋度平陸。道出橋旁。村南橋尚有河形。此則並河形無之。檢各志書

輿圖亦不之載。

過董公庵道西有普慈萬安寺

過趙新店

申正一刻抵長新店宿自寶店至此計行五十里二十五里良鄉縣城

二十五里長新店肩輿十三班

○初七日晴卯初三刻發長新店

過盧溝橋上年山水異漲橋石多圯恂惟治水施功先從下游是矣然下游之斂肆未始不視乎上游之羸絀朱文端疏所謂下流治乃可以導上流之歸亦必上流清乃可以分上流之勢者此也因紀盧溝河上游安瀾志桑乾河盧溝河上

源也一名涑涑水源出山西忻州靜樂縣漢曰燕京山之天

池。水經注濕水篇濕水又東北流左會桑乾水即涑涑

山原之上世謂之天池相傳有人乘車池側遇大風飄於水

經天池之山繩水出焉潛於其下元和郡縣志嵐州靜樂縣

天池在縣北燕京山上周迴八里魏孝文帝以金珠穿魚七

頭放此池後於桑乾泉得之方輿紀要燕京山即管涔山也

謂之祁連池相傳其水潛通桑乾一統志靜樂縣屬太原府

雍正二年改屬忻州謹案桑乾河元史云出代地河防志云

出大同桑乾山今水經云出馬邑縣洪濤山潞水客譚以為

發源渾源州其說不一桑乾山古無是名蓋即洪濤山此桑

乾河重源再見者也其發源處要當以水經注元和志為據

明史河渠志從之吳道南集亦云盧溝河出太原天池泱流

據山海經則桑乾亦名繩水而潛泱之說無異又據水經注

汾水亦出管涔山蓋同源而異流桑乾獨泱也恂按濕趙本

戴本水經 東北出朔州馬邑縣 恂按今馬邑鄉也縣於西北
俱作灤 嘉慶元年裁併朔州

洪濤山下為七泉。統名之曰洪濤泉。即桑乾泉也。崞川水自

劇陽注之。亦曰鄯河。元和郡縣志朔州馬邑縣桑乾河在縣

原府百里洪濤山在縣西北十五里天池泐流至洪濤山下

匯為七泉。曰上源曰玉泉曰三泉曰司馬洪濤曰金龍池曰

小蘆曰小蒲。合為一流。是為桑乾河之源。水經濕水出雁門

陰館縣東北過代郡桑乾縣南酈注縣西北上平洪源七輪

謂之桑乾泉。崞川水南出崞山縣又西出山謂之崞口北流

逕繁時故城東又北逕巨魏亭又北逕劇陽縣故城西又東

注于濕水一統志洪濤山桑乾水出焉山有七泉湧出俗名

洪濤泉鄯河在朔州東流入馬邑縣界入桑乾河謹案一

統志司馬洪濤為司馬泊與方輿紀要異山西通志洪濤山

下有七泉湧出名黃道泉土人又名洪濤泉是黃道洪濤皆

為七泉之總名又云桑乾水至洪濤山黃道泉與金龍池水

合流至邑之西是黃道與金龍明是兩泉又一統志黃道泉

縣西八里金龍池縣西北十里小蒲西北五里山西通志三

泉二一在縣南五十里一在縣東五十里小蒲泉在縣西北

五里黃道泉在縣西北八里上源泉在縣西北十里金龍池

在縣西北司馬泊而不言里細蘆灣泉在縣西北派同金龍

池水玉泉在縣西北雁門山西皆參差互異考上源玉泉在

雷山東側洪濤山下俗名神頭山三泉出三眼故名在今馬

邑縣治西北十里之神頭村由洪濤山北湧出寬被九十餘

丈池廣二畝許俗呼神頭海子司馬洪濤在金龍池上流中

有陂陀泉北有村名司馬泊小蘆俗名細蘆灣又稱戲龍灣

小蒲今日小泊東有小泊里村今其地名曰南小蒲又別有

溪曰喇河至小泊與諸泉合流注於馬邑城南蓋七泉俱承

天池之泐流特隨地異名不得專指一泉雷山與洪濤連接

本不甚遠或以為洪濤山之下或以為雷山之陽皆可第專

舉金龍池言之則不可而今水經謂桑乾河源出大同府馬

邑西北洪濤山下與金龍池水合殊欠分曉至山西通志既

謂桑乾河發源黃道泉金龍池二水匯於喇河復云桑乾水

發源喇河口西北至洪濤山黃道泉與金龍池水合流則更

費解矣又據水經注濕水出於累頭山一日治水泉發於山

側東北流出山。逕陰館縣故城西。又東北流左會桑乾水。其水潛承太原汾陽縣北燕京山之天池。是則濕水入桑乾。桑乾承天池。明甚。而方輿紀要謂濕水在馬邑縣南。一名治水。洪濤山一名累頭山。是濕水發源。洪濤即會於洪濤矣。成何語乎。况酈注既明其山曰累頭山。又申之曰治水。中間又逕陰館縣。而於桑乾水則曰縣西上平洪源。七輪謂之桑乾泉。是濕水至此始有桑乾之名。蓋七泉上承天池。旁入濕水也。竊意濕水桑乾。渾河自是三河先濕水入於桑乾。後渾河入於桑乾。三河並為一河。乃有盧溝之名。諸志或稱桑乾或稱渾河。或稱盧溝。不過一水而異名。於是明史河渠志則謂桑乾河自馬邑。渾泉溢出。是為桑乾。水部備考則謂盧溝河至馬邑。發為渾泉。流為桑乾。吳道南集盧溝至馬邑。迤邐東下。曰桑乾河。直不復辨其若何。當稱桑乾。若何當稱渾河。盧溝矣。鄯河即崞川水。以其出於善陽。故又曰鄯河。恂按今山西通志。小蘆作小過。永濟橋東南。合流逕縣城南。灰河之水。合盧小蒲作小蒲。過永濟橋東南。合流逕縣城南。灰河之水。合青羊渠。臘河。圩澗河。七里河。泥河。沙楞河。自西注之。曰馬邑。

川。水經注桑乾水自源東南流。右會馬邑川水。水出馬邑西。川俗謂之磨川矣。其水東逕馬邑縣故城南。一統志灰河在朔州西南。自甯武府甯武縣北流入。又北至馬邑縣南。入桑乾河。即古馬邑川。青羊渠在神池縣東北。匯諸山谷之水。流入朔州。灰河。臘河在朔州北二十里。洪濤山之陽。南流合圩澗河。注灰河。圩澗河在朔州北十里。源出州西北石槽村。東南入灰河。七里河在朔州北七十里。流逕酸棗村。東南入灰河。泥河泉在朔州西五十里。東流匯為西湖南。入灰河。沙楞河在朔州東南三十里。又東流逕大同府山陰縣北界。又流逕賈家莊。東入灰河。又東流逕應州北。黃水。河。白泥河。清水。河。木瓜河。諸水入焉。方紀要桑乾河在山陰縣北。自馬邑縣流入界。又桑乾水在應州北。自山陰縣流入境。五代志黃水河在山陰縣城西。出龍灣峪口。東北流至應州西北八里莊。注於桑乾水。山西通志黃水河發源雁門關之東。廣武之西。流出三泉口。至山陰縣朱家莊。入於桑乾。一統志白泥河在山陰縣東源。出縣東南界榆林峪。東北流入應州界。清水。河。木瓜河在應州西北東。

流入桑乾河。謹案黃水河自另是一水。元史河渠志以盧溝為小黃河。明蔣一葵有黃河伏流之說。說者又謂近代有黃水河之目。而濕水治。又東流逕趙霸岡之北。又東流渾源川。水之名反隱。皆非也。

注之為渾河。亂嶺關磁窯峽。李峪。凌雲口。遠望峪。神溪水。乳泉。唐泉諸水入焉。

遼史地理志。應州渾源縣有渾源川。在州東南一百五十里。方輿紀要。渾源川在渾源州西北十里。源出州西南漢土峪。分流至州東北。匯為大澤。西流至城北五里。之神溪。曲折西北入於桑乾河。一統志

趙霸岡在應州東一百二十五里。亂嶺關水在渾源州東四十里。磁窯峽水在州南十里。李峪水在州西南十里。凌雲口

水在州西南三十里。俱北流入渾河。遠望峪水在州東南十里。西北流入渾河。神溪水在州西北鳳凰山下。乳泉水在州

西二十里。一名西神溪水。唐泉在應州東安邊鎮。俱自石澗流入渾河。山西通志。八水合而渾流。故名渾河。謹案渾源川

發源渾源州恆山下。東北亂嶺關。至沙圪坨。伏入沙中。越十餘里。至烽臺鋪。出泉。西流會神頭村海村等泉。南流匯應州

之白土河。入桑乾河。渾河之名。始此一統志。謂崞川水在渾源州。今名渾河。又謂澗水為渾源川。皆非也。崞川水。渾源川

自是。二水澗水。據水經注。出靈邱縣高氏山。禹貢。錐指云。翠屏山。即高氏山之別名。東南接靈邱界。是水部備考。謂盧

溝河。從雷山之陽。發為渾泉。流而為桑乾。潞水。客譚謂桑乾水。發源於渾源州。行水金鑑。渾河源出大同府桑乾山下。皆

欠分。折而北流。逕懷仁縣南。大峪水。小峪水。合流注之。俗謂

之懷仁河。金龍山水。鎮子海。聖水。泉入焉。方輿紀要。懷仁縣

里。桑乾水在縣南。自馬邑流入。其南即山陰縣界也。大小石

峪水。自應州南山中流。至州西舊城外。合流入桑乾河。大石

口。州南三十里。與代州繁峙縣接界。小石口。州西南三十五

里。亦屬繁峙縣界。山西通志。金龍山在縣西南七十里。山下

有泉。通馬邑。金龍池。鎮子海。在縣東南十五里。高鎮子堡。海

周四十五里。水經注。南池水。又東北注桑乾水。以地形考之。當係鎮子海。聖水。泉在縣東南二十里。海子村。又折而東逕

北。恂按。繁峙即繁時。明訛時為峙。今仍明舊。又折而東逕

水經

水經

水經

水經

大同府大同縣漢曰平城南界則有如渾水自塞外挾諸聞澤羊

水靈泉池諸水逕得勝堡宏賜堡合武周川一作武州水繞城東

北西南流注之。是名御河。則有滄頭河南大河兔毛河廖家

河新莊河石窟寒泉水磨河諸水入焉。水經注如渾水出涼城旋鴻縣西南五十

餘里東流逕故城南。北又東南流逕永固縣。右會羊水。又南

至靈泉池。枝津東南注池。如渾水。又南分為二水。一水西出

南。屈入北苑中。一水南逕白登山。西又南逕平城縣。故城東

又南與武周川水會。又南流逕班氏縣。故城東。又東南流注

於濕水。武周川水出縣西南山下。二源合成一川。北流逕武

周縣。故城西。又東北右合黃水。聖山之水注焉。又東歷故亭

北。右合火山。西溪水。火井東湯井。又東南流。出山。武周塞口

也。自山口。枝渠東出一水。自枝渠南流。東南出火山。東溪。又

東注武周川。逕平城縣。東南流注如渾水。方輿紀要大同府

桑乾河在府南六十里。如渾水在府東北四十里。志云出開

山口一名御河。其水兩源合而為一。歷府城東。又南流與武

州川水合。注於桑乾河。得勝堡在府北五十里。宏賜堡在得

勝堡東二十里。武州山在府西二十里。武州川水所經也。武

州川水在府南十五里。俗名合河源。出武州山。西白羊山。谿

谷中。為石渠流至府南。又東南注於如渾水。一統志太僕寺

右翼牧廠在張家口西北三百里。漢疆陰縣地。明為大同

府邊外。齊爾漢河。即牧廠地。古如渾水也。源出色爾蚌山

東南平地。經和爾山。南流會和爾河。入邊城。色爾蚌河

在牧廠西十里。源出色爾蚌山。南流與齊爾漢河合。色爾

蚌山在牧廠東六十里。和爾山在牧廠西南四十里。如渾

水在大同縣東北四十里。自塞外南流。又南至縣東南入桑

乾河。今名御河。府志。御河源出府東北邊牆外。葫蘆海。經得

勝堡。東宏賜堡。西過府東門外。又南流與武周川水合。諸聞

澤。漢書地理志。疆陰有諸聞澤。在東北。或曰。即旋鴻池。或曰

即威甯海子。滄頭河。在平魯縣北。南大河源出平魯縣。東北

流入右至縣南界。支流合兔毛河。兔毛河源出平魯縣。南繞

流朔平府城西。分為二。一會南大河。東流經雲陽堡。東五十

河西南流入黃河。廖家河在左雲縣北源出縣西南至大同縣入御河。今名十里河。武周塞水在懷仁縣南七十里源出縣西南莊村。東流逕薛家莊。又東南入桑乾河。一名新莊河。又名南河。石窟寒泉在大同縣西三十五里。武州山至府城南入如渾水。水磨河在大同縣東門外。源出平地。東流入桑乾。又東流逕聚落堡城南。又東流逕陽高縣。漢為白登臺地。蟠羊山下渾源州北。又東流逕

天鎮縣。五泉河入焉。又逕廣靈縣。漢曰延陵。北水經注。濕逕平邑縣故城南。十三州志曰。城在高柳南百八十里。北俗謂之醜寅城。又東逕沙陵南。又東逕彘氏縣故城北。十三州志曰。縣在高柳南百三十里。俗謂之苦力干城矣。又東逕道人縣故城南。十三州志曰。城在高柳城東八十里。一統志平邑故城在陽高縣西南。沙陵城在陽高南。彘氏廢縣在廣靈縣西北。道人故城在陽高縣東南。聚落堡在大同縣東六十里。明天順三年築堡。城周三里。陽高縣在府東北一百一十里。明陽和衛桑乾河東流入縣界。蟠羊山在陽高縣東。今訛

為白羊山。天鎮縣在府東北一百八十里。明天成衛桑乾河東流入縣界。山西通志。天鎮縣五泉河發源溫小堡。定安營與隆堡龍池堡顧家營五泉至鹹水阜合流。經陽高大同復入縣境。嘴兒頭入桑乾。邊防考。桑乾河在廣靈縣。又東流入直隸宣化府西甯縣。漢曰西南界。又東流逕縣治南。則有柳園泉一突泉。一名吐泉。又合澣河之水繞城西南流注之。一統志。西甯縣在宣化府西南二百里。漢置陽原縣。屬代郡。水經注。濕水又東逕陽原縣故城南。北俗謂之北那州城。畿輔通志。桑乾河自山西天鎮縣流入西甯縣。西甯縣志。柳園泉即西海子。西城西二里一突泉。西城西北三十里。澣河西城外。又東流逕馬房。又東流逕東城堡。又東流逕順聖廢縣。又名順聖川。一統志。三馬房在西甯城東十五里。四馬房在縣東十里。七馬房在縣西十里。八馬房在縣西二十里。西白馬營在縣東十五里。又東一里為東白馬營。順聖東城。明天順四年築。謂之順聖川東城。本朝初屬

天官承旨言

蔚州衛康熙三十二年並入西甯縣順聖廢縣在西甯縣東
 六十里遼置明初縣廢順聖川在西甯縣東謹案諸書皆以
 順聖川馬房為明初兵制考遼史百官志有渾河北羣馬司
 則川原之宜畜牧久矣又方輿紀要順聖川在順聖東城南
 即桑乾河支流也東西延袤二百餘里明史地理志宣府左
 衛南有桑乾河又有順聖川延袤二百餘里下流亦合於桑
 乾河二說各異而縣志載邑人林盛順聖川辨直以兩山夾
 峙形如川然故名曰川非真水也則似自昔並無此水矣川
 之名川皆取於水六書之義亦象水也乃止取字形而反謂
 無水然又以為百餘里之順聖以水得名則必源遠流長乃
 除桑乾一水外別無他流可據則紀要支流之說似為得之
 蓋昔為桑乾支流所入而後乃湮廢也又水經注濕水又東
 逕陽原縣故城南又東陽水注之水出縣東北澤中北俗謂
 之太拔回水以地形擬之亦當在西甯今無考豈即昔之所
 謂順聖南與蔚州分界方輿紀要桑乾水在蔚州西北自廣
 西甯縣與蔚州分界又東流逕大小渡口則有壺流河即祁
 桑乾故城在蔚州北

夷水合廣靈縣之莎泉瑞泉百家泉灑雨泉枕頭泉集興曠

池作曠池蔚州之唐山泉滋泉暖泉乾沙河金河飛狐關水

飲馬泉靈泉七里河金波泉海子泉橫澗泉太平河會子河

蓮花池扶桑泉諸水西南來注之水經注濕水又東流祁夷

平舒縣之故城南澤中漢書地理志代郡平舒祁夷水北至
 桑乾入治元和郡縣志漚夷河亦曰瓠瓠河上槽狹下槽闊
 有似瓠瓠因名畿輔通志壺流河在城北一里東北流百里
 至西甯縣東城界小渡口入桑乾河即古祁夷水也宣化府
 志壺流河在廣靈縣南源出莎泉其形似壺一名葫蘆河山
 西通志祁夷水今壺流河勢近之謹案壺流河諸書皆以為
 即祁夷又以葫蘆源出莎泉考水經注滄水篇滄水又東莎
 泉水注之不云祁夷而濕水篇敘祁夷水所經歷又無莎泉
 則是莎泉自入滄水與祁夷無涉也方輿紀要有廣靈縣莎
 泉入壺流河當另是一莎泉非即滄水之莎泉也且既以莎

泉入壺流河又以祁夷水為在靈邱縣北則壺流似非即祁夷也今澠水之莎泉不可考而入壺流河之莎泉據山西通志在廣靈縣西二十里又云一說滋水源出莎泉東注合壺川山下水名神泉二水合流其形如壺又引水經注云滋水導源莎泉考水經注原文溫泉水東流注於澠水又東莎泉水注之水導源莎泉乃於水字增一滋字可乎是皆因以澠水為嘔夷又以嘔夷為祁夷又以壺流為祁夷又以蔚州之滋泉為滋水四水俱混於是壺流之莎泉或失其名而即以澠之莎泉名之甚且增改水經注之莎泉為滋惟求其說之可以牽合互證而不顧其理之難通矣古今水道之變原非可以曲為之說但以壺流河為祁夷考水經注謂祁夷控引眾泉以成一川今壺流河實為眾泉所歸又以水經注祁夷水所入之水證之則諸志以壺流為祁夷其說固是也而祁夷水經注固未嘗言嘔夷也水經注曰周禮嘔夷之川鄭注云嘔夷即祁夷又云酈注澠水云即嘔夷於是澠水而夷祁夷為一水矣水經澠水酈本注固云即溫夷之水也而水經注註漳云溫夷當作嘔夷是澠水與祁夷水經注自是兩水而水經注註牽合者也於是後世以壺流河為古祁

夷而澠水滋水亦混而為一矣又據水經汾水篇又南過大陵縣東酈注王莽改曰大甯矣汾水於縣左迤為鄔澤地理志曰九澤在北并州藪也呂氏春秋謂之大陸又名之曰嘔夷之澤俗謂之鄔城此則水經注嘔夷之明文也水經注又引周禮註云嘔夷祁夷也攷大陵縣為今之太原府文水縣與漢志之平舒縣屬今之渾源州者相去遠矣而太原在唐夏商為冀州至隋復改為冀州虞周秦漢以來固皆為并州則嘔夷之當在太原無疑不特嘔夷非澠水且非祁夷自來皆未之辨也又山海經高是之山滋水出焉而南流注於葦沱澠水出焉東流注於河注云過博陵縣之南又東北入於易水是滋與澠為二源并不入祁夷也元和郡縣志既列漚夷河為瓠瓠河復有漚夷水一名澠水是與水經注註之誤一也至壺流胡蘆瓠瓠一河而異名亦猶之桑乾渾河盧溝之稱明通志嘔夷胡蘆並載山西通志胡蘆壺流異源徒滋惑耳又案壺流河發源山西大同府之靈邱縣東流逕縣西南白羊山林管山又東逕縣南直峪山東流逕縣城南關外又東逕壺山又東逕唐山又東入直隸蔚州西境崖頭村暖泉堡又東逕李家碾又東逕薄家莊南又東逕李堡子

又東逕仰家莊又東逕君子町又東逕下油平又東逕辛家莊又東逕水門頭又東逕代王城北又東逕大德莊又東逕柳子町又東逕西合營又東折而北逕添照町鳳凰臺又北逕利臺村又北逕袁家阜堡又東北逕鴛鴦站又東北出鴛鴦口又東北逕水泉莊錢家沙窪鄭家沙窪與西甯縣之王家沙窪相直而下逕東城之大小渡口入於桑乾河蓋旋折於廣靈蔚州之境二百五十里而河身寬不過丈餘深僅尺許早則行旅可通人不病涉一遇水潦衝決之患往往然矣案以上壺流河方輿紀要廣靈縣西三十里有莎泉山莎泉出焉東流合於壺流河又東入蔚州境莎泉城在靈邱縣東北祁夷水在縣北瑞泉出縣西五十里白羊山中流為小河注於壺流川林管山在縣西南四十里下有泉名百家泉入壺流河一統志林管山一名林關山廣靈縣南有勒漢巖百家泉出焉濬源林管山下入壺流河西通志灑雨泉在縣西南二十里直峪山源出石罅北注枕頭河枕頭河在縣南三里源出翟家疃集興疃池在縣南五里水殊清湛冬夏不竭作噴池在縣西十三里西山麓汪洋數里俱東入壺流河案以上廣靈縣入壺流河之水蔚縣志唐山泉在城西南

唐山口西南泉細如簪自岸下注水聲潺潺不絕一統志滋泉在蔚州西南三十里源出南馬莊一名神泉水北入壺流河元時居民爭水灌田以鐵板鑄九孔分流今水涸板存水經注祁夷水又東北熱水注之水出綾羅澤蔚州志城西三十里綾羅里有暖泉澄清如鑑嚴寒不凍即古熱水也乾沙河在州南三十里源出太白山流二里出口入壺流河水經注祁夷水又東北得飛狐谷魏土地記代城南四十里有飛狐關關水西北注祁夷水一統志飛狐谷在蔚縣南今湮輿地廣記飛狐峪在蔚州南四十里蔚縣志常山關在城南黑石嶺間所謂古飛狐岌也城西有古飲馬泉壺流河通城濠每門石橋跨其上引東南隅泉水注之歲久泉塞州人郝銘坎之復故號曰靈泉七里河在城東七里北入壺流河宣化府志金河在城東八十里金波泉在蔚州城東二十五里代王城內其水素出金沙今無海子泉在城北一百五十里隆冬不凍盛夏不竭太平河在城東七十里源出縣馬蹄山經流水溝至甯遠店與眾泉會過紅橋太平二堡又過吉家莊定遠縣亦曰定安河至利臺堡入壺流河會子河在城東六十里源出縣白樂東堡東南為清水河經高家莊會子里李

家礮上礮頭。至南吉家莊。又過羊圈堡。任家莊。小棗礮。至袁家阜。入壺流河。扶桑泉。在城東北。水泉堡。外扶桑廟。前大池。泉出其中。流堡西。入壺流河。橫澗。在城東四十里。蓮花池。在城東六十里。內有蓮花一名。東湖。案以上蘇州。入壺流河之水。謹案。桑乾河。自山西天鎮縣。小鹽場。暨大同府。康石莊。交界。起流入縣。屬東西白家泉堡。其南岸為雙樹村。堡吉其町。王靈池。曲長城。鄧家莊。揣骨疇。三泉堡。小辛莊。開陽堡。雙塔堡。泥泉堡。八角砦。西馬圈。老君營。馬圈堡。保神觀。小渡口。其北岸為小莊兒。大鹽場。上回村。下回村。牛蹄莊。坨塔頭。廣豐莊。張順莊。辛其堡。小白嘴。營子溝。三分溝。西水地。東水地。舍人莊。大灣營。大渡口。與壺流河合流。至鎮河營。出境。長一百餘里。兩岸夾高無隄堰。自馬邑縣流至西城。三百七十里。河北有渠一道。起小莊兒。至張順莊。又東流。逕宣化縣南界。緄止。乾隆十年。開挑旋被水衝廢。又東流。逕深井堡。南三十里。通志。桑乾河。逕宣化縣南界。一統志。東逕深井堡。南三十里。謹案。桑乾河。之在宣化縣境內者。西接西甯縣之大小渡口。合蔚州壺流河。東流至縣屬華稍營。前入境。南去城一百三十里。又東逕東西打魚灣。油房里。北合黑眼山之大黑溝。乾

沙河。又東。狼洞溝。泉水注之。逕百子井。秦家灣。又北。會上河溝。乾沙河。東出黑龍山。黑龍灣。泉水注之。流三十里。折而東南。流九里。逕下沙嘴。又折而東北。流七里。逕謝家灣。復東流。逕水磨灣。王家灣。有泉水。自北注之。東逕栗家灣。又東。逕紅崖。有泉水。自南注之。又東。有乾沙河。流入焉。又東。逕史家灣。大沙河。張家灣。流三十二里。折而東北。逕西窰溝。望扒梁。有泉水。自南注之。又東。逕胡甲里。傅家灣。李家坨。塔北岸。入懷來縣。屬東窰溝。蠻子營。又東。逕縣屬西眼里。而東。入懷來縣。屬之。湛家莊。上葫蘆。有乾沙河。起自西北。坨馬山。東南。逕柴家莊。有泉水。流注之。又東南。逕顧家坡。馬家灣。北入於正河。又東。過鷹山。背長疇。堡抵十字坡。一名石子坡。流三十五里。上下兩山夾峙。又五里。至保安州。屬之。南北孤山。出境。共長一百八十里。深井堡。在縣城西南六十里。直黑龍山之北。計其方位。適得河流之半。湧幢小品。成化間。有議疏。天津水。至宣大省。兵餉主事。楊讚。相度。以地有游沙。不可濬。水勢相懸。至二百丈。又多天險。人力難施。遂止。明世宗實錄。嘉靖三十三年五月。巡按山西御史宋儀望言。桑乾河。在大同。則北村。稍有亂石。在宣府。則黑龍灣。石崖頗險。其險與亂石不越。

四五里水淺處亦深二三尺疏鑿甚易當時撫臣侯鉞常駕小舟踰黑龍灣坦行無虞又自懷來載米三十石逆水竟達古定橋河足便漕有的徵疏下兵部任其可行且稱都御史趙錦常使人從桑乾河水行千里直抵大同城下稍加疏鑿不惟通漕且可因以捍衛詔會工部計之以遠河重役報罷蓋桑乾自發源金龍以達盧溝橋千有餘里欲謀水運誠不易也

又東流逕保安州西南界出孤山下北為平坡渠分北孤山之水東北流入於洋河南為百戶渠一名河南分南孤

山之水東南流歸於本河又東流五里逕頭堡中惠民渠出焉東北流逕州城北下流入於洋河又東流二里逕丁官堡南惠民渠出焉逕州城南下流歸於本河又東流逕州城南汪源屯之公務渠出焉東流歸於本河明史地理志桑乾河在保安州西南自山

西蔚州流入宣化府志南北孤山在保安州西十里兩山對峙吞吐桑乾洋河在州東十五里發源長城外河南惠民渠自張順屯起至七堡止計二十里中惠民渠自頭堡起至周官堡止計十五里南惠民渠自丁官堡起至高廟村止計十五里又東逕溫泉屯宣化府志溫泉在保安州東南四十里今涸謹案州境河身西起懷來縣屬之下葫蘆與宣化縣屬之石子坡出南北兩孤山峽入州屬其南岸逕馬家莊張家莊西張順屯東張順屯高堡子頭堡子小堡子羊圈子三四五六七堡子九百戶廣恩屯其北岸逕朝陽寺頭堡丁官屯汪源屯高廟村新興堡保家莊至溫泉屯三十里又東流逕新保安城南垵出窩棚山麓一統志新保安城在懷來縣西北七十里即故保安衛也其地本名雷家站明邑人來復新修保安衛說畧保安初名灑家站景泰間置衛所屯堡星錯東北乾水河為諸水之匯夏雨漲發濤浪拍天直逼城隍間濠谷斯須平滿甚且由門溢衛因於水源處增築障水壩八十丈又補修牆塹一千一百二十丈亦一金又東流逕良田湯也保安州志窩棚山在沙城堡西十里

屯北。又東流逕老君堂南。又東流逕榆林屯北。方輿紀要良田屯在保安

州東五十里。即州民居屯之所。保安州志。老君山在沙城堡

正南六里。桑乾洋河經其下。上有老君祠。鄉人於此山鑿石

洞。移像祀焉。榆林屯在州東六十里。謹案。宣化府志。保安州

尚有定方水。金史地理志。德興有定方水。鎮嶺北。紀行。循山

之西而北。沿桑乾河以上。河有石橋。由橋而西。乃德興府道

也。北過一邱。日定方水。逕石梯子。則是桑乾水流。至定方鎮

即名定方水。無他道也。所云石橋。即金志之龜頭館石橋也。

又東流逕沙城堡北。堡西屬保安州

東屬懷來縣。桑乾河入懷來縣西南境。則有洋河合清水河

過此始全入懷來。

塞外諸山之水。自北來注之。曰燕尾河。一統志。沙城堡在保安州東六十里。懷來

縣志。洋河在張家堡東六里。發源長城外。至保家莊。與桑乾

河會於燕尾河。遼史地理志。奉聖州武定軍有兩河。會明統

志。燕尾河在保安衛南三十里。謹案。元史河渠志。盧溝河自

奉聖州界流入。明史。灤河渠志。桑乾河抵宣府。保安州雁門

雲中諸水皆會。明史河渠志同。水部備考。春明夢餘錄。又東

大清會典諸書所云。雲中諸水皆會。皆指洋河也。

流逕河神廟。又東流逕礬山北。礬山水自西南注之。遼史地理志。奉

聖州武定軍礬山縣。本漢軍都縣。山出白綠礬。故名。有桑乾

河。方輿紀要。礬山在保安州西南百二十里。有南北兩山。唐

置礬縣於此。金末為礬山堡。一統志。礬山故城在保安州東

南六十里。明置礬山堡於此。本朝屬懷來縣。保安州志。州

南八十里。即大礬山。州東南九十里。即小礬山。經年積雪。望

之若礬。故名礬山。堡在州南三十里。謹案。水經注。易水篇。礬

石山水出廣昌縣之礬石山。東流逕覆釜山。東流注於易水。今礬山水東北入桑乾。不入易水。或疑保安州志。東靈山。即大礬山。西靈山。即小礬山。但既屬二山。又有東靈西靈之名。則礬山非礬石山也。注易水之礬石山水。當另是一礬石山。混併為一。遂疑池南流逕縉山下。曰縉山河。一統志。縉山在保安州東南。畿輔地圖記。桑乾河入保安州礬石堡。縉山下。名縉山河。懷來縣志。縉山在礬山堡東三十五里。桑乾洋河二水合流。至縉

山下謹案縉山與大礬山相接其地交保安懷來之間非延慶州西南之縉陽山也又東南流逕猪窠

堡則有清水河承長安嶺乾沙河南流合溪河神仙溪河周

四溝堡乾河乾石堡河閔河沽河小滹霑乾河桑園屯乾河

佛峪口水黑龍河大柳河板橋河注之曰合河口水經注濕

左會清夸水亦謂之滄河也畿輔通志媯河在延慶州南半

里懷來縣南一里自延慶發源西流歷延慶州懷來縣又西

南流五十里入桑乾河本古清夸水今訛曰媯河也謹案唐

書地理志媯州媯川郡懷戎有媯水貫中遼史地理志可汗

州有媯泉在城中明史地理志延慶州東北有媯川俗名清

水河下流注於桑乾河是皆以爲媯河也畿輔通志謂本古

清夸水今訛爲媯河蓋今懷來縣本漢沮陽縣地唐長安中

始自潘城移懷戎縣及媯州來治其故懷戎縣即漢潘縣在

今保安州西南界括地志所云媯州懷戎及歷山媯水皆在

其地二地迥別自天寶改郡曰媯川金又改縣曰媯川皆沿

唐初故名後不察移縣之事遂以今縣爲潘縣誤指滄河爲

媯川也又長安嶺乾沙河有二一由龍門縣新井莊一由麻

峪口長安嶺一名槍桿嶺或訛作桑乾嶺非也其地四面皆

山夏雨逆澍水集長安堡側橫潰四出冬則乾沙委積而已

其水大抵由清夸以達桑乾也又案此清水河又一清水河

也源出延慶州北大海陀山下之龍潭南流二里許逕古城

堡又名古城河潛入地中東南十二里許重源再發爲黃龍

潭在縉陽山下名縉陽泉有溪河神仙溪河北來注之爲龍

灣河又西南流則有周四溝堡乾石河堡東西友嶺之水自

東來會之又西南流逕北老君堂又西南流逕臨河屯名臨

河亦名東川又西南流逕州城東環城爲濠行三十餘里又

逕城西北隅則有沽河又西流爲百眼泉即古九十九泉也

是爲滄河其上源潛通於溪河又西流逕下堡屯又西流逕

大營堡則有小霽霑桑園屯二乾河自南來合之又西流逕

張老營則有佛峪山溫泉水流爲黑龍河自西北來注之折

西南流逕紙房屯七里橋出境自城西至此長四十里而入

懷來東北境之解家莊則有大柳河之水自南來注之又西

南流逕石柱兒又西南流逕火燒鋪抵縣城東北隅則有太

山廟下疏黃泉水入之。逕通濟橋下。又西流則有板橋河水入之。又西南流則有黑山口之乾河入焉。又西南流逕水泉岡。又西南流逕三營四營。又西南流逕七營八營。又西南流逕大寺抵猪窩圈入於桑乾河。金史地理志德興府媽川西北有合河龜頭館石橋。明史地理志保安州桑乾河在西南。東有媽川來入焉。謂之合河口。方輿紀要媽川合桑乾河所謂合河也。金時有合河鎮。今亦名合河口。懷來縣志和合口三河交流。舊名合河口。明永樂間改名山險水急不通。徒騎南至幽州安家漩三十里。東至懷來六十里。正東至大山口三十里。大山口并後洋口相連。平漫通人馬。南至鎮邊二十里。東至廟兒港口三十里。北至懷來二十里。謹案金史合河紀要以爲河合當是循土俗之稱。至縣志以爲和合。且謂改自永樂。考一統志通州有和合驛。舊名合河驛。以白榆渾三河合流而名。永樂間置。則是因合河之名。同而紀要又有河合之稱。遂以訛傳訛。又東流逕安家灘。其下爲沿河口。方輿紀要沿河口在懷來縣南百三十里。東南達宛平縣之王平口。九十里。西南至涑水縣馬水口百五十里。沿邊次衝也。懷

安縣志。渾河合媽川洋河交流。謹案懷來縣屬河道與宣化縣保安州相錯。自保安莊燕尾河以西首起岸之東。窰溝蠻子營。東逕南岸之湛家莊。上葫蘆下葫蘆。其北岸對長瞳里。接宣化縣屬之石子坡。東入孤山。爲保安州境。又東至保安莊。與宣化縣交界。洋河合流處曰燕尾河。卽縣志所記之桑乾水也。稍折而南。爲保安州之溫泉屯。以下始全入縣西南境。南流逕單家窰孟家窰萬家窰河神廟新窰子猪窩圈大寺村猪窩堡合河口。水關堡竇家營安家灘。北入順天府宛平縣境。卽縣志所稱渾河也。自保安莊以西。河身長八十里。自溫泉屯以南。至沿河口。河身長三十里。縣志分桑乾渾河爲二。尙非大舛。惟云渾河一由長安嶺。一由桑乾嶺。二水交會。故名渾河。亦名桑乾。夫桑乾山本無此山。蓋卽洪濤山也。亦曰雷山。行水金鑑畿輔通志以桑乾水出此。卽以名山已屬失實。若長安嶺爲龍門縣屬。一名槍桿嶺。訛而爲桑乾嶺。桑乾河並不經其下。亦無有自嶺流人之水。乃不辨桑乾槍桿之訛。而轉分桑乾嶺與長安嶺爲二。且以爲渾河所由。則誤益甚矣。又南流穿西山出水關臺。逕石景山下。名盧溝河。今爲

永定河。潘自牧記纂淵海。西山在順天府西三十里。爲太行山之東。接平坡山。其並峙者曰覺山。盧師山。吳道南集。桑乾河過懷來。行兩山間。蔣一葵。渾河記。從保安舊城過沿河口。通石港口。謹案。西山固太行之支脈也。自沿河口以南。屬宛平縣界。重岡疊嶺。名稱旣繁。桑乾水貫其中者。幾二百里。所注之泉亦不一。特拘束於兩山。別無他道。故所逕由諸山。概從其畧。又盧溝。固以水色黑得名。然亦以其流經盧師臺下。故卽以地名之也。長安客話。盧師山。以神僧得名。師。隋末居此山。能馴二龍子。舊有寺。卽以盧師名。今清涼寺也。唐書作盧思臺。思。乃師之訛也。宋史。宋琪傳。端拱二年。將討幽薊。疏言。從安祖。砦西北有盧師禪祠。是桑乾出山之口。東及幽州四十餘里。蓋卽今之盧師臺也。又舊唐書。韋挺傳。貞觀十九年。將有事於遼東。擇人運糧。挺至幽州。漕渠壅塞。遂下米臺側。韋懷質奏。挺不先視漕渠。輒集工匠造船運米。旣下。至盧思臺。方知渠門欲進不得。還復水澗。乃便貯之。通達平夷之區。恐未符聖策。新書云。自幽州距遼二千餘里。無州縣。又自桑乾水抵盧思臺。行八百里。渠塞不可通。蓋挺欲通漕。自今

盧溝橋。達於宣大。以出薊遼。而盧溝以上。山徑逼仄。不可通行。然云。下米臺側。蓋其時幽州出米。僅抵盧師臺而止。不能遠。迤尋其水道。當云。自盧師臺抵桑乾河。行八百里。方於情事有合。又元史列傳。至元二十八年。有言灤河自永平。挽舟踰山而上。可至開平。盧溝自麻峪。可至尋麻林。朝廷遣太史令郭守敬。相視灤河。旣不可行。舟盧溝。舟亦不通。因陳水利十一事。水部備考。盧溝而下。舟楫時有之。盧溝而上。直達宣府之保安州。故元運道也。自大同縣古定橋起。至盧溝橋。務里村。止約八百餘里。內可以舟行者。七百二十七里。驢駝搬運者。八十八里。明世宗實錄。嘉靖三十九年九月。大同巡撫李文進奏。大同邊儲缺乏。米價翔貴。乞開桑乾河。以通運道。自大同古定橋。至盧溝橋。務里村。水運五節。計程七百二十七里。陸運二節。計程八十八里。總該造船二百六十隻。置贏可得米二萬五千餘石。日久大通貿易。寢廣公私俱利。又盧溝池。南達天津。另造淺船。運米百石者。改小。難兌。運由天津。逕達盧溝橋。務里村。交兌。尤爲省便。工部議覆。本河不係長流。泛濫則迅激。難制。乾涸則一葦不通。又多山石阻礙。每議

輒止。今既有成畫。當如議舉行。如有窒礙。亦當從實奏罷。上從部議。此元明兩朝欲踵韋挺故事。而終無成功者也。

由拱極城而東。過大井村。小井村。入彰義門。時辰正一刻。自

長新店至此。計行四十里。十五里大井。十里小井。十五里彰義門。肩輿八班。

巳初二刻。抵京邸。肩輿五班。

○初八日晴。料理摺件。

○初九日晴。入內。跪請

聖安。

男 蓮謹校

